

Tau Fakatoka Gahua Fakaako 2019 ke he 2025

Tau Mataulu Tala

Tau kupu mai he Ikipule.....	3
Talahauaga Fakalaulahi Fakamaopoopoaga Fakatonutonu.....	6
VEVEHEAGA 1: Kua hoko ki fē a tautolu he magaaho nai?	14
VEVEHEAGA 2: Tau fakatokaga mahuiga ke lata ma e tau 2019 ke he 2025	22
Fafatiaga 1: Tau Takitaki Lagomatai Akomena	23
Fatifatiaga 2: Kumikumi ke kitia tuai e tau manako lagomatai akomena lalafi ki luga	25
Fafatiaga 3: Fakamalolō e tau puhala hikihihiaga taute tuai	29
Fatifatiaga 4: Fakalaulahi e tau lagomatai ma lautolu e tau fānau mo e tau fuata mui fai matematekelea	32
Fafatiaga 5: Fakatautonu e tau manako akomena he tau fānau mo e tau fuata mui mahomo atu e tau lotomatala.....	36
Fafatiaga 6: Fakatolomaki e tau fakaakoaga ma e tau fānau mo e tau fuata mui kua mukamuka ke ō kehe mai mo e tau aoga	39
VEVEHEAGA 3: Tau gahua lagomatai	42
TAU TALAHAUAGA LAFI KI LUGA 1: Fakakatoatoa e kitekiteaga ke he tau manatu fakakite ke he Matutakiaga	47
Tau mataulu putoia laulahi	47
Fafatiaga 1: Fakalaulahi e tau puhala ke fuafua aki e tau fānau mo e tau fuata mui ke he tau manako akomena.....	48
Fafatiaga 2: Fakamalolō e tau vahega lagomatai ma e tau fānau mo e tau fuata mui kua fai manako lagomatai akomena lalafi ki luga	48
Fafatiaga 3: Fakalaulahi e tau puhala fakatautonu he faahi fakaako	49
Fafatiaga 4: Fakamooli kua moua e tau lagomatai akomena kua lata ke maeke ke fakalahi e tau lagomatai mo e tau puhala fakagahua.....	49
Tau valavala fakafelauaki.....	50

Tau kupu mai he Ikipule

Manako e tau tagata Niu Silani ke moua e tau puhala fakaako ne maeke he tau fānau ikiiki ke moua lotomatala ke lata mo lautolu, pete kua kehekehe ha lautolu a tau manako. Manako lahi a mautolu ke fakatū e tau fakaakoaga ne kua mua he mitaki ke he lalolagi katoa, ke eke ia mo tāoga ke lagomatai atu ki a lautolu e tau fānau mo e tau magafaoa laulahi.

Taha mai he lima e tama tote ne manako ke moua e tau lagomatai lalafi ki luga ke lata mo ehaana a tau fakaakoaga. Falu he tau kakano kua fakamahino nī ke he tau malolō tino po ke manamanatuaga kua nākai maopoopo. Ko e tokologa he tau fānau nei (99.5%) kua o atu ke he tau aoga fakaako mo e tau aoga fakamahani.

Ko lautolu nei, kua nākai tataiha lautolu a tau manako tau puhala ne kua maeke ia lautolu ke moua e tau fakaakoaga. Kua lata ke fakamatapatu e tautolu e tau puhala fakaako kua mitaki ke lata mo lautolu a noiha. Ko e falu he tau fānau nei kua lata ke fakatumau mo e leveki atu ke he tau puhala fakaako ha lautolu ke he loga he tau tau, ka ko e falu to omoi atu fakamahaoni ke he magaaho kua lata ai.

Kua onono fakalaulahi e Fakatufono ke moua e tau puhala fakaako ne maeke he tau fānau ke mokoina ke he tau fakaakoaga, ti fakamakai atu ki ai lautolu ke moua mo e lopoti mai e tau lotomatala, mo e lauia foci ai a lautolu e tau fānau ne kua lata ke moua lagomatai lafi ki luga. Kua mahuiga lahi ke fai falanakiaga e tau matatua, tau fānau, mo e tau magafaoa hagao ke he tau puhala fakaako nei, ke lata ma e tau aoga fakamahani ke hoko atu ke he tau aoga ikiiki kua oatu a lautolu ki ai.

Kua fakamooli tuai a mautolu ke taute e tau fakatokaaga gahua ke lagoimatai atu lautolu kua oatu ke he tau fakaakoaga. Kua moua foki e mautolu e tau hokotaki mai he falu a tagata mo e tau matatua ne talahau pehē ko e kupu ‘disability’ po ke nākai katoatoa e tau malolō tino, kua nākai talahau mitaki ke fakamalolō atu ki a lautolu nei. Ko e kakano ia kua uta kehe e mautolu e matahigoa nā ke he mataulu he tau fakatokatoka gahua, ka e nākai ko e tau kakano. Ko e tau lagomatai ma lautolu kua nākai maopoopo e tau malolō tino kua fakamau fakahokulo ki loto he tau fakatokatoka gahua ne kua hagao ki ai. Pete kua uta kehe e matakupu nei ko e ‘disability’ mai he mataulu tohi, kua mailoga foki e mautolu e tokologa i a lautolu ne kitia kua nākai tatai e tau tagata mo e kehekehe foki ha lautolu a tau momoui.

Kua manako foki a mautolu ke gahua fakalataha mo lautolu e tau pulotu he vagahau ke fakatolomaki e tau puhala gahua mitaki kua fakatoka ke gahua ki ai.

Ko e fakamauaga fakamua (1) he tau puhala fakatoka gahua ma e tau tagata Niu Silani: “To moua e tautolu e tau fakaakoaga mitaki ke lata ma e tau gahua fakaako ma e ha tautolu a tau momoui”. Ko e fakatokaaga gahua nai ne fakahigoa ko e Tauteaga Lagomatai Akomena ‘Learning Support Action’ to fakamatutaki atu ke he tau puhala fakaako mo e maeke foki ke fakamooli ha

tautolu a maveheaga ki loto he tau Kautū Kau Fakalataha he Lalolagi ma e tau levekiaga ke moua e tonuhia ki a lautolu kua nākai maopoopo e tau alaga tino.

Kua fakamooli foki a mautolu ke lagomatai atu ke he tau puhala fakaako ‘matauranga Maori’ fakalataha mo e tau pulotu he Fakatufono kua kau atu ke he Te Tiriti o Waitangi ke hokotia e tau lagomatai ke lata ma e tau Maori. Kua fakamooli foki he tauteaga nai e tau tāoga tuga e Te Reo Maori pihiā foki mo e tau levekiaga he tau tagata Maori mo e tau ohi magafaoa. Amanaki foki ke muitua ke he tau fakaholoaga Te Ao Maori hagaaō ke he fakaholoaga he tau gahua nai.

Ko e tau 2016, ne hā hā i ai e taha komiti gahua kua kotofa ke kitekite mo e lagomatai atu ki a lautolu e tau fānau he tau aoga ikiiki mo e tau aoga tokoluga, ne kua moua he tau gagao ko e ‘dyslexia’ – nākai mukamuka ke totou mo e fakakakano e tau matatohi, ‘dyspraxia’ – fakatuai e tau alaga tino, ‘autism spectrum disorder’ – taute mena tokotaha mo e nākai fiafia ke gahua po ke pelē auloa mo e falu a tama. Kua mailoga foki e mautolu kua kehekehe e tau puhala ne fakagahua he tau aoga ke leveki atu ki a lautolu nei. Pihia foki mo e tau lotomatala ha lautolu e tau faiaoga, tau faiaoga lagomatai po ko lautolu ne oatu pauaki ke lagomatai e tau faiaoga - kua kehekehe ha lautolu a tau puhala gahua.

Ko e hokotaki he komiti hakahaka ne talahau pehē kua tonuhia ke lagaki hake e tau lotomatala he tau faiaoga ke iloa e tau fakaakoaga pehē nai he tau magaaho fakamua. Kua hokotaki foki a lautolu ke lagaki ki luga e tau puhala lagomatai ke lata ma e tau fānau ne kua fai kitekiteaga pauaki ke lata ma e ha lautolu a tau puhala taute gahua po ke fefeuā.

Lafi atu ki luga ke he tau kumikumiaga he komiti, ko e tau puhala fakatokatoka gahua kua kau atu ki ai e afe tagata i Niu Silani ne kua fakafitā he tau talahauaga Korero Matauranga Education Conversation. Kua logona mai foki i a lautolu e tau mamataua, tau fānau mo e tau magafaoa, iwi, tau tagata Maori, tau tagata Pasifika, mo e falu atu motu ne kua fai talahauaga, pihia foki mo lautolu ne kua nākai maopoopo e tau manamanatuaga po ke tau alaga tino. Tau faiaoga, Kaiako, tau tagata fakaako, tau takitaki mo e tau pulotu he faahi fakaako, kua tufatufa ha lautolu a tau lotomatala ke lata mo anoiha.

Ko e Faahi Gahua Fakaako kua fakatonutonu atu ke he tau talahauaga ki loto he Fakaholoaga Gahua Lagomatai Akomena mo e Matematekelea ‘Disability and Learning Support Action Plan’ 2018, mo e moua mai foki e tau talahauaga I a lautolu hagaaō ke he tau puhala ke fakaholo ki mua e tauteaga nai. Ko e tau Fakatokatoka Gahua (Action Plan) nai kua fakapapahi foki e tau puhala ne manako ke fakatolomaki ki mua e tau lagomatai, mua atu ki a lautolu ne fakagahua e Fakataitai Fakagahua Lagomatai Akomena ‘Learning Support Delivery Model’, mo e muitua ke he tau manako he komiti ne kua fitā he fakakite atu ki a latuolu.

Lahi mahaki e gahua ne kua fitā he kamata fakagahua ki loto he faahi fakaako, mo e falu faahi gahua ne kua lagomatai atu ke he matagahua nai. Kua fakamailoga foki e mautolu e katoa ko e

ono e tau matapatu gahua, ke fakamalolō aki e tau puhala fakaako he tau tau gāhoa kua hagao atu ki ai. Ko e tau mena ia hanai:

1. to kamata fakagahua e tau puhala Takitaki Lagomatai Akomena ‘Learning Support Coordinators’ he tau aoga (mo kura)
2. fakagahua e tau puhala kumikumi fakamua ke he tau fānau ke maeke ke kitia po ke tau fakaakoaga fē kua lata ke lalafi atu ki luga ke lata mo lautolu
3. fakamalolō e tau puhala ke moua tuai e tau lagomatai
4. lalafi ki ai e tau lagomatai ke lata mo lautolu e tau fānau ne nākai mukamuka ke fakaako
5. fakalaulahi e tokaaga he tau lagomatai ne maeke ke moua e lautolu nei
6. fakaholo ki mua e tau fakaakoaga ma lautolu ne kua mukamuka lahi ke ō kehe mai he tau puhala fakaako.

Ko e tau fakatokatoka gahua nei (Action Plan) kua kitia foki e falu a tauteaga foou he faahi fakaako mo e fakatufono ne maeke ke fakatolomaki ki mua e tau lagomatai ki a lautolu e tau fānau ke moua e tau fakaakoaga kua mahuiga ki a lautolu, tau manako mo e tau puhala ke he Vagahau, tau aga fakamotu mo e tūaga fakatagata.

Ko e fakatokaaga gahua nei to liu kitekite ki ai mo e hakahaka he tau magaaho i mua. Ko e tau fakatokaga gahua nai to fakapapahi mo e gahua fakatekiteki ki ai. Ko e falu a gahua ne nākai tohia ki loto he tohi nai ka e to maeke foki ke lalafi ki luga kaeke kua hohoko ki ai.

To fakatumau nī e ha mautolu a gahua ke fakatolomaki ki mua e tau puhala fakaako kua mitaki ke lata ma e ha tautolu a tau fānau mo e tau fuata mui.

Kia ora, kia kaha, kia manawanui, huihuitātoukatoa.

Lilifu Chris Hipkins

LilifuTracey Martin

Ikipule ma e Faahi Fakaako

Ikipule Lagomatai ma e Faahi Fakaako

Talahauaga Fakalaulahi Fakamaopoopoaga Fakatonutonu

Taha mai he lima e tama mo e fuata mui ne moua e tau lagomatai lalafi ki luga ke lata ma e ha lautolu a tau akomena ki loto he tau fakaakoaga. Kua talia laulahi e manako ke fakalaulahi e tau lagomatai ki a lautolu e tau fānau ne nākai katoatoa e tau malolō tino, pihia foki mo lautolu ne kua lata ke moua falu a lagomatai lalafi ki luga, mo e tau taliaaga he Faahi Fakaako Tama mo lautolu ne lagomatai, hagao ke he tau matapatu ke fakaholo fakalahi atu ki mua.

Ko e Matapatu ma e tau Hikihikiaga Nai

Ko e tau 2016 ne moua mai e tau hokotaki he taha komiti gahua hagao ke he tau puhala ke lagomatai atu ki a lautolu e tau fānau, ne kua moua he tau matematekelea ko e ‘dyslexia’ nākai mukamuka ke totou mo e fakakano e tau matatohi, ‘dyspraxia’ fakatuai e tau alaga tino, ‘autism spectrum disorder’ nākai fiafia ke pelē po ke gahua auloa mo e falu a tama. Ko e kakano ne fakatū e matakau nei, ke maeke i a lautolu ke tālaga e tau hokotaki mo e iloa ko e mitaki fēfē e tau puhala ne lagomatai atu ki a lautolu ne lauia ke he tau gagao nei (‘dyslexia’, ‘dyspraxia’ mo e ‘autism spectrum disorder’) ki loto he tau aoga fānau ikiiki mo e tau aoga tokoluga.

Ko e hokotaki ne moua mai he komiti kua talahau a lautolu hā hā i ai e tau gahua kua lata ke taute ke maeke ke kitia:

- Kua ati hake e tau malolō gahua he tau faiaoga ke lata ma e tau manako akomena kehekehe loga
- Kumikumi tuai e tau manako akomena lalafi ki luga he tau fānau mo e tau fuata mui
- Taute e tau lagomatai mo e tau gahua foou ke lata mo lautolu e tau fānau mo e tau fuata mui, mo e ha lautolu a tau mamatua mo e tau magafaoa nākai moua lagomatai, kua matematekelea mo e nākai moua mitaki ha lagomatai, mo e/po ke mukamuka lahi ke o kehe mai he tau fakaakoga.

Kua fakatutala laulahi mo e tokologa he tau tagata ti logona tumau ai foki ha lautolu a tau manatu ne talahau pehē kua lata ke fakamahuiga: (e tau fakaholoaga pehē nai)

- (Kua lata) ke fakatoka pauaki e tau puhala fakamahino ke he mouaaga he tau lagomatai kua lata ma lautolu e tau fānau
- ke kitia tuai e tau manako lagomatai akomena ke maeke ke foaki e tau lagomatai fakalataha mo lautolu kua mahomo atu e tau lotomatala, nākai mukamuka ke totou mo e kitia e tau matatohi mo e fakatuai e tau alaga tino
- fakalaulahi e tau fakaakoaga ke lata mo lautolu e tau faiaoga, mo e foaki e tau koloa ne kua lata i a lautolu ke faiaoga mo e falu a tagata fakaako ke maeke a lautolu ke fakatautonu e tau manako he tau fānau mo e tau fuata mui.

- fakalaulahi e tau lagomatai ke lata mo lautolu kua nākai fai lagomatai i lalo hifo he fakaholoaga ne fakahigoa ko e Onoging Resource Scheme, ka e lauia e tau fānau nei ke he tau matematekelea pehē nei.

Ko e fakamaopoopoaga he tau hokotaki kua foaki atu ke (fakamua kua moua) he Potaaga Faahi Gahua Fakaako ne kua fakapiki ke he Fakaputuaga. Ko e maopoopo he tau kumikumi nei to moua ai ke he: <https://conversation.education.govt.nz/conversations/learning-support-action-plan>

Ati hake mai he tau hikihikiaga he magaaho nai mo e tau tauteaga foou

Ko e fakaholoaga fakagahua Lagomatai Akomena kua fakapotopoto fakalataha e tau mena ne logona he Potaaga Faahi Gahua mai he tau vahega tagata kua fai talahauaga ke he tau fakaakoaga mo e fakaakoaga fakamahani, me ngā kōhangareo, tau aoga mo e 'kura', mo e maeke agataha ke ati hake he tau puhala foou i lalo he 'Learning Support Delivery Model' mo lautolu ne hukui e tau fānau kua nākai maopoopo e tau alaga tino, ne fakahoko ke he tau tau 2015 mo e 2016 ne fakahigoa ko e Learning Support Action Plan kua maeke ke fakakite e tau talahauaga ne moua mai he tau faahi gahua kehekehe, tuga e kua fakamaopoopo mai he tau talahauaga he tau mamatua, tau fānau, tau tagata fakaako.

Ne fakamatutaki fakalataha he Fakataiaga Lagomatai Fakagahua Akomena e faahi aoga fakamahani, tau aoga mo e falu a eisini fakatufono, ke fakamahino mo e fakatautonu e tau manako lagomatai akomena he tau fānau he tau matakavi kua nonofo ai a lautolu. To fakagahua foki e tau fakataiaga nai ke he tau faahi oti i Niu Silani a to oti e tau 2019.

Fakavē e fakatokaaga gahua nei ke he he tau fakaholoaga foou ke lata ma e tau fānau fakalataha mo e ha lautolu a tau magafaoa, tali mai he 2017, mo e tau fakaholoaga fakaako foou kua amanaki ke fakamole e tau tupe ko e \$238.8 e miliona ke fakamole he fā e tau ke kamata mai he mahina ha Me 2018.

Lahi foki e tau hikihikiaga ke he faahi fakaako ke maeke ke fakatolomaki e tau puhala lagomatai akomena

Ko e Fakaholoaga Gahua Fakaakoaga he fakatufono (Education Work Programme) ha ne fā e hiki fakahaga e tau fakaholoaga gahua ke maeke ke fakahagahaga mitaki e tau matakupu ne hake mai he tau tohi mo e lagomatai e fakagahuaaga he Fakaholoaga Gahua nai.

Ko e tau mena lalahi kua fakamahino ki ai ko e 'Tau Fakaakoaga he tau Aoga Anoiha, Tau Holoaga mo e tau Kautū'; 'Fakatokatokaaga Kau Gahua Fakaakoaga'; 'Fakaholoaga Fakatokatokaaga Akomena Tuai'; 'Tau Fakamailoga Kautū he Motu (NCEA) Fakamaopoopoaga Hiki'; fakafoou e 'Ka Hikitia'; 'Fakaholoaga Gahua Tau Fakaakoaga he Pasifika'; ti pihia foki mo e 'Fakafoouaga he tau Fakaakoaga Gahua'. Ko e tau fakatokaaga oti nei kua onoono fakalahi ke fakatai oti mo e muitua ke he kitiaaga he tau fānau mo e tau fuata mui nākai katoatoa e tau malolō mo lautolu kua fai manako akomena lalafi ki luga mo e kua fai puhala malolō ke moua mai aki e tau talahauaga mai he faahi gahua kua leveki atu ki a lautolu nei.

Fakatoka e Fakatokatokaaga Nākai Katoatoa e tau Malolō, ko e fakaholo ki mua fēfē he Fakatufono ha tautolu a tau fakavēaga ki lalo hifo he Maveheaga he tau Kautū Kau Fakalataha ma e tau Tonuhia he tau Tagata kua Nākai Katoatoa e tau Malolō. Ko Fakaholoaga Gahua nei to lagomatai ke mailoga kua lagomatai he tauteaga tau fua fakamua he Fakatokatokaaga Nākai Katoatoa e tau Malolō. Ko e tau puhala fakatokatoka gahua nei to maeke ke fakamalolō e faahi fakaako ke gahua auloa mo e fakamooli e tau manako he fakatufono. Tohia e tau hagaaoga nai ke he Fakatokatokaaga Nākai Katoatoa e tau Malolō 2016 ke he 2026¹, ko e Fakaholoaga Gahua Nākai Katoatoa e tau Malolō 2019 ke he 2022, mo e gahua ne kua fitā he kamata Puhala Fakafoouaga Nākai Katoatoa e tau Malolō², Whāia Te Ao Mārama (Māori Disability Action Plan)³mo e Faiva Ora 2016 ke he 2021 (Fakaholoaga Nākai Katoatoa e tau Malolō he Pasifika).

Ko e fakahagao e tau gahua ki lalo hifo he tau fafatiaga takitaha ke mailoga kua hohoko atu oti e tau fānau mo e tau fuata mui ke he tau aoga, kau fakalataha mo e gahua ke fakaholo ki mua ha lautolu a tau fakaakoaga, leveki atu puipui e tupuolamoui he auloa, mo e fakalaulahi e tau lagomatai ke maeke foki he ha lautolu a tau magafaoa ke fakaohooho mo e lagomatai ke he ha lautolu a tau akomena.

Kaeke kua mailoga tuai e tau manako lagomatai akomena mo e tau puhala mukamuka mo e tata ke he tau lagomatai to maeke he tau fānau akomena oti ke hokotia ke he ha lautolu a tau fāhiaaga. Fakamatutaki he Fakatai Fakagahua Lagomatai Akomena e tau putuputuaga aoga mo e tau gahua aoga fakamahani mo e falu a fafaahi, ke kitia mo e gahua fakalataha ke fakahagahaga mitaki e tau manako lagomatai akomena he tau matakavi ia.

Falu a fakatokaaga ki lalo hifo he tau fafatiaga takitaha ke fakamatapatu ke ati hake e tau loto malolō mo e tau lotomatala he tau faiaoga mo e falu a tagata fakaako, mo e tau koloa mo e tau hātakiaga ke lata mo lautolu ke lagomatai e tau fānau mo e tau fuata mui ke akomena. Manako lahi ke kitia kua fai tauteaga mitaki kua lalafi atu ki luga he tau fakaakoaga, kamata he tau aoga fakamahani ke he tau aoga ikiiki, tau aoga ikiiki atu fakahaga ki luga he tau aoga tokoluga, pihia foki ke lata ma e tau fuata mui kua amaamanaki ke fakaholo atu e tau fakaakoaga.

Ono e Fafatiaga he Fakaholoaga Gahua

Muitua ke he tau hikihikiaga ne kua fitā he kamata fakagahua, ko e tau Fakaholoaga Gahua nei putoia ai ono e fafatiaga kua lata ke lagomatai atu ke he tau manatu pulega he komiti hakahaka mo e tau talahauaga mai he Potaaga Faahi Gahua.

¹Tuga ne kua talia ki ai e Fono Ikipule, ko e tau tagata ne kua nākai maopopopo e tau malolō, kua fakakite e lautolu lima e fakatokaaga kua lata ke fuafua po ke maopoopo nakai e fua fakaako ke lata mo lautolu kua moua he tau tino matematekelea. Ko e tau fuafuaga nei to kitekite foki ke he tau puhala ke moua e tau hokotaki ne kua kitia kua ō tatai mo e tau manako he tau fānau mo e ha lautolu a tau magafaoa.

²Ko e Puhala Fakafoouaga Nākai Katoatoa e tau Malolō', ne kua takitaki ki ai he Potaaga Faahi Gahua Malolō Tino, to fakamahino ha lautolu a tau puhala lagomatai ma e tau tagata mo e tau magafaoa kua matematekelea.

³Ko e gahua nei ne takitaki he Potaaga Faahi Malolō Tino kua lagomatai atu ke he 'tāngatawhaikaha' ke moua e tau matakai mo e tukutuku hifo e tau mena uka.

Fafatiaga 1: Kamata fakagahua e tau kotofaaga Takitaki Lagomatai Akomena foou ki loto he tau aoga mo e 'kura'

Ko e 600 fakamua he tau Takitaki Lagomatai Akomena gahua mau to kamata fakagahua he mahina Ianuali 2020. Ko lautolu nai ka gahua ke ati hake e tau lotomatala mo e tau puhala fakaako he tau faiaoga, fakatokatoka e tau puhala gahua ke lagomatai atu ki a lautolu kua nākai katoatoa e tau malolō mo e tau manako lagomatai akomena he tau fānau mo e tau fuata mui he tau aoga mo e kura, mo e takitaki e tau matutakiaga fakaaoga mo e kura mo e tau mamatua mo e tau magafaoa. Ko e tau Takitaki Lagomatai Akomena to gahua fakalataha mo e tau aoga kehekehe mo e matutaki ke he tau vahega lagomatai pulotu ke he Fakataiaga Fakagahua Lagomatai Akomena.

To gahua fakalataha foki mo e faahi fakaako mo e faahi nākai katoatoa e tau malolō, tau mamatua mo e tau magafaoa, ke maeke ke kautū e tau kotofaaga mo e tau puhala gahua kua lata kua fakatoka ke taute.

Fafatiaga 2: Fakamalolō e tau kitiaaga mo e moua tuai e tau manako lagomatai akomena

Gahua fakalataha mo e Faahi Fakaako, tau tagata, tau Maori, tau tagata Pasifika, ko lautolu kua foaki e tau lagomatai, to tālaga he Potaaga Faahi Gahua he Fakatufono e tau koloa kua kitia ke lata ma e fakamooliaga kua fakamatapatu ke he mouaaga tuai he tau manako akomena (nākai ko e tau veteveteaga fakahokulo he falu a fakavēaga).

To maeke foki ke fakagahua e tau puhala nei he magaaho ka finatu foou e tama he aoga mo e kumikumi po ke lauia nakai ke he 'dyslexia', 'dyspraxia', mo e tau fānau kua mahomo atu e tau iloilo. Ko e tau kumikumiaga ka oatu a lautolu ke he tau aoga fakamahani, mo e hohoko atu ke he tau atu fuata mui, to maeke foki ke taute e tau kitiaaga malolō tino mo e Potaaga Faahi Malolō Tino.

Ko e tau koloa to muitua ke he agamotu, putoia ai e tau matakupu Mauli tuga e 'tino rangatiratanga', 'whānau', 'mana whakapapa', 'mana tikanga', mo e 'mana tangata'. Ko e hagaaoga ke tālaga e tau koloa ke he vhagau Mauli (Te Reo Maori) mo e Vagahau Fakamailoga he tagata kuhukuhu mo e teliga tuli.

Fafatiaga 3: Fakamalolō e moua tuai

Kua amanaki foki ke fuafua fakamitaki ke moua e tau nūmela kua tonu ke lata mo lautolu e tau fānau kua manako lagomatai. To lauia fakalataha e tau talahauaga mo e tau lagomatai ne kua lata ke moua he tau magafaoa mo e tau fānau, ke lalafi atu ki luga he tau fakaholoaga ne kua taute mai he tau 2017 ke lata ma e tau fānau, ko e tau tupe lagomatai lalafi ki luga ke lata ma e tau 2018, mo e fakagahuaaga he Fakataiaga Fakagahua Lagomatai Akomena.

To gahua foki e Faahi Fakaako mo lautolu e falu faahi gahua ke fakalaulahi e tau gahua mo e tau lagomatai kua taute e lautolu. Ha ne fā e gahua ki ai e Potaaga Faahi Fakaako he magaaho nai ko e taha vala he Mana Whaikaha – ko e tau fakaholoaga fakafooouaga ke lata mo lautolu nākai katoatoa e tau malolō ko e ‘MidCentral Prototype’ ne kua takitaki he Potaaga Faahi Malolō Tino.

Kua gahua foki e Potaaga Faahi Fakaako mo e Te KohangaReo National Trust (TKRNT) ke fakatau tālaga mo e fakagahua e tau fakaohohoaga fakailoaaga ke mailoga (mo e loto malolō ke fakaaoga) e tau lagomatai akomena mua atu ke he tau aga mo e tau mahani, fakaaoga he vagahau motu, mo lauotlu kua moua he ‘autism.’

Fafatiaga Gahua 4: Lagomatai fakalaulahi ki a lautolu e tau fānau mo e tau fuata mui kua nākai katoatoa e tau malolō.

Kua mailoga foki he komoti kumikumi e laulahi he tau manako mo e tau gahua ke lagomatai atu ki a lautolu e tau fānau mo e tau fuata mui ne kua lauia ke he tau kitekiteaga pehē nai, pihia foki mo e tau mamatua mo e tau magafaoa, tau faiaoga mo e falu a tagata fakaako. Mahuiga lahi ma lautolu ne tū vahāloto e tau manako lagomatai.

Kua amanaki foki ke gahua fakalalataha mo lautolu e faiaoga mo e tau mamatua, tau magafaoa Mauli (Maori whanau) mo e tau magafaoa Pasifika, ke fakatonutonu e tau koloa mo e tau puhala lagomatai ma lautolu e tau fānau mo e tau fuata mui kua lauia ke he tau matematekela pehē nai. To fakatau tālaga e mautolu e tau vahega lagomatai pulotu kua fakavē ke he tau lagomatai mo e tau fakaholoaga ha ne fakagahua he magaaho nai.

Fafatiaga 5: Fakatautonu e tau manako akomena he tau fānau mahomo atu e tau lotomatala mo e tau fuata mui

Kua mitaki ke mailoga e kehekehe he tau fānau ne kua mahomo atu e tau lotomatala kehekehe, mo e lagomatai atu ki a lautolu. Nākai pehē kua mukamuka he tau fānau mo e tau fuata mui kua moua e tau lotomatala pehē nai ke he tau akomena oti. Ka malikiti hake e tau puhala lagomatai ke he tau fakaakoaga ha lautolu e tau fānau nei, mai foki he tau pulotu gahua fakalataha mo e tau mamatua mo e tau magafaoa, mo e amanaki ke moua e tau fufuta lagomatai fakamua he tau 2019.

Fafatiaga 6: Fakatolomaki e tau fakaakoaga ma e tau fānau mo e tau fuata mui ne kua mukamuka ke feholia mai mo e tau fakaakoaga

Kaeke ke ō kehe mai mo e tau fakaakoaga to fai lekua leva ke he tau momoui tupuolamou i mo e tau fua ke moua mai he tau fānau mo e tau fuata mui. Kua gahua auloa a mautolu he magaaho nei mo e Faahi Fakaako, tau Mauli, tau tagata Pasifika, mo e falu foki kua lagomatai ke he tau fānau, ke taofi a lautolu mo e fakaohoo ho ke tumau ke he tau fakaakoaga.

Falu a fakaholoaga ke fakatolomaki e tau lagomatai akomena

Ko e falu gahua ne kua lagomatai atu ke moua e fua mitaki he tau fakaakoaga ha lautolu kua nākai katoatoa e tau malolō tino:

- **Ati hake e lotomatala hagao ke he tonuhia ke fakamau ke moua e tau fakaakoaga:** To gahua auloa a mautolu mo e tau fakaakoaga mo e tau matakau ne lagomatai ki a lautolu, pihia foki mo e tau matakau he tau mamatua, ke maeke ke ati hake e tau lotomatala mo e maamaaga he tau matakau pule gahua mo e tau takitaki gahua he tau aoga, hagao ke he tau tonuhia he tau fānau mo e tau fuata mui kua nākai katoatoa e tau malolō tino ke moua e tau lagomatai akomena mai he tau aoga ne kua nonofo tata ki ai a lautolu.
- **Atihake e tau lotomatala mo e falanakiaga he tau faiaoga:** To gahua fakamahino a mautolu ke fakaako e tau faiaoga mo e tau lagomatai ha lautolu a tau lotomatala pulotu mo e tau ati hake ke fakaholo ki mua e tau puhala fakaako ke lagomatai e tau fānau mo e tau fuata mui kua fai manako lagomatai.
- **Moui tupuolamoui:** Ati hake a mautolu he tau fakaholoaga kua fitā he taute ke fakaholo ki mua e tau lagomatai ke puipui mo e lagaki hake e moui tupuolamoui, mahani hemu mo e ati hake e moui malolō loto. To maeke he tau lagomatai nei ke ō tatai mo e tau aga faka-Mauli mo e levekiaga he tau moui tupuolamoui⁴, mo e fakatautonu e tau tauhele kua fā moua mau he tau Mauli ki loto he tau fakaakoaga putoia ai e tokutoku, fakaehiehi mo e fili tagata.
- **Fakalaualahi e mouaaga mo e fetufatufaaki he tau talahauaga fakamatanumela:** To gahua a mautolu ke pota fakalataha e tau talahauaga he tau tama akomena takitaha ke he taha e tokaaga ke kitia mitaki ai e tau manako fakaakoaga he tau fānau mo e tau fuata mui he aoga, tau tagata laulahi mo e motu katoa. Ko e tālagaaga he fakatokatokaaga matanumela to pipimau e tau tonuhia he tau fānau mo e tau fuata mui oti, tau magafaoa mo e laulahi.
- **Kumiaga he tau fakaholoaga laulahi ne kua hako:** To fai avanoa ke fakatoka e tau ononoona fakahokulo ke he tau puhala lagomatai fakalaualahi ke he tau fakaakoaga, pihia

⁴Fakatai pehē, ne pulega e ‘Te Kōhangareo National Trust’ ke fakaputoia e fakatokaaga tagata motu ke eke mo maamaaga mo e lagomataiaga ke he moui tupuolamoui Putoia e ‘poutuawhā’ ke he fakatokaaga: kua fakamatapatu e moui tupuolamoui he ha tautolu a tau ‘mokopuna’ mo e ha lautolu a tau magafaoa, fakakite ai foki e malolō ke he tau momoui fakaagaaga (ā-wairua), tau malolō ke he tau manamanatuaga (ā-whatumanawa), tau momoui malolō fakatino (ā-tinana), mo e tau lotomatala moui malolō (ā-hinengaro).

foki mo e tau vahega fakaakoaga kehekehe ma e tau mamatua mo e tau magafaoa he tau matakavi takitaha, mai he tau pokoaoga he tau aoga maaga, tau fakaakoaga faka-Mauli, tau tauteaga setalate, tau aoga ma e tau veveheaga kehekehe, tau fānau kua fai lekua ke he tau fakaakoaga ha lautolu, mo e falu lagomatai ke he tau fakaakoaga.

- **Tau matutakiaga ke he tau aoga ma e tau halavakaaga mai he tau aoga:** To kitekite mo e fakahagahaga mitaki e mautolu e tau mena kua tōhalahala ai ke he tau puhala ne kitia kua mitaki ke aua neke uta kehe mai e tau lagomatai tupe ka hiki atu e tama mai he tau fakaakoaga fakamahani ke he tau aoga ikiiki. To gahua foki a mautolu ke moua e lautolu e tau fānau mo e tau fuata mui kua nākai katoatoa e tau malolō he tau aoga tokoluga, ke moua e tau lagomatai ke maeke i a lautolu ke moua e tau lagomatai kua fakalaulahi mo e fakamahino ke he tau mena kua manako a lautolu ke taute.

Gahua auloa ke kautū e tau hikihikiaga nai

To fakatumau a mautolu ke gahua auloa mo e falu a magaaho ke fakatau tālaga mo e tau faiaoga mo e tau tagata gahua fakaako, tau Mauli, tau mamatua mo e tau magafaoa mo lautolu kua moua he tau tino matematekelea ke moua e taufafatiaga.

To mahuiga lahi ke gahua auloa mo e tau Mauli ke moua taha fakaholoaga mitaki ke lagomatai aki e fua fakaakoaga fakatatai ma e tau Mauli. Ke maeke ke taute pihia kua lata e fakaholoaga ke:

- Fai talahauaga mamafa e tau Mauli hagaa ke he tau puhala fakaako ma e tau Mauli
- Fakatautonu e Mauli ki loto he tau puhala fakamagafaoa
- Mailoga e kehekeheaga he Mauli
- Fakalilifu atu mo e ati hake e tonuhia, agamotu mo e vagahau he tau fānau mo e tau fuata mui mo e
- Ke atāina mai he tau fili tagata, tokutoku mo e ekefakakelea.

To matutaki atu foki a mautolu ke gahua, kau fakalataha mo e falu a magaaho ke fakatau tālaga mo e tau magafaoa Pasifika, tau faiaoga mo lautolu i loto he faahi fakaako, ke kitia kua lagomatai fakamitaki he fakaholoaga e fua fakaakoaga fakatatai ma e tau fānau mo e tau fuata mui he Pasifika.

Ko e tau gahua ki lalo hifo he taufafatiaga takitaha ke lata ke moua ki lalo hifo he tau tupe fakagahua kua fatifati mo e fakapapahi fakamagaaho. To liu kitekite atu foki ke he mitaki he tau fakaholoaga nai muitua ke he tau puhala ne kua fakatoka he Potaaga Faahi Fakaako ma e lagomatai akomena.

Kua fakamaopoopo foki e tau fakaholoaga katoa nei ke he taha e laupepa nūmela 12 he tohi nai.

VEVEHEAGA 1: Kua hoko ki fē a tautolu he magaaho nai?

Ko e tau fakaakoaga ha Niu Silani kua fakatumau ke uta kehe e tau lekua ne fā mahani ke fakatauhelē atu ke he tau akomena. Ko e laulahi he tau fānau mo e tau fuata mui nākai katoatoa e tau malolō (99.5%) mo e manako lagomatai ke he tau fakaakoga kua oatu ke he tau aoga he tau matakavi kua nonofo ai a lautolu. Loga lahi e tau fakatai gahua mai he tau aoga fakamahani ‘me ngakohagareo’, tau aoga ikiiki mo e kura, ne kua maeke ke kitia kua fakagahua e lautolu e tau puhala kua fakamahino ke lata ma e tau manako he tau fānau akomena.

Ko e tau manako ke moua e tau lagomatai akomena ke he tau fakaakoaga, kua nākai ō tatai ke he tau tagata he motu nai. Mua atu e tokologa e tau tagata Mauli ne lauia ke he tau fakatauhelē ke he tau akomena (tuga e fakatai ke he tuli he teliga), pihia foki mo e nākai moua ha puhala lagomatai ma e tau akomena pihia ke he tau aga fakamotu mo e ekefakakelea.

Kua malolō e taliaaga ke fakaholo ki mua e tau fafatiaga

Ko e manako ke lagomatai ki a lautolu e tau fānau ne nākai katoatoa e tau malolō mo e tau fuata mui pihia foci mo lautolu kua fai manako akomena, kua talia laulahi he tokologa he faahi fakaako mo e tau matapatu tagata lagomatai hagao ke he tau fafatiaga ke fakaholo atu foki ki mua e tau mitaki.

Ko e tau 2016, ne taute manatu pulega e taha komiti fifili ke fakaholo ki mua e mailogaaga he tau lagomatai ma e tau fānau mo e tau fuata mui kua lauia ke he ‘dyslexia’, ‘dyspraxia’ mo e ‘autism spectrum disorders’. Ko e kakano kua taute ai e kumikumiaga he komiti fifili nai ke maeke ke kitia po ke mitaki fēfē e tau lagomatai ne foaki he tau aoga fānau ikiiki mo e tau aoga tokoluga ki a lautolu kua moua he tau matematekelea ‘dyslexia’, ‘dyspraxia’ mo e ‘autism spectrum disorder’.

Ko e hokotaki ne moua mai he komiti fifili ne talahau pehē kua lata ke fai tauteaga pauaki ki a lautolu ke maeke ke:

- Fakalaulahi e tau fakaholoaga ma e tau faiaoga ke moua e tau lotomatala ma e tau manako lagomatai akomena
- Kumi tuai e tau manako lagomatai akomena he tau fānau mo e tau fuata mui
- Foaki e tau lagomatai kehekehe ma lautolu e tau fānau mo e tau fuata mui, tau mamatua mo e magafaoa katoa, kua nākai mukamuka ke moua e tau puhala lagomatai pehē nai, nākai fakatautonu fakamitaki ha lautolu a tau manako mo e /po ke liga ke ō kehe mai he tau fakaokaga.

Ko e tau matapatu gahua nai kua fakamooli tuai he taha hokotaki ke he Fakatufono he tau 2018, ko e Kōrero Mātauranga Education Conversation, hagao ke he tau manako he tau tagata Niu Silani mai he tau fakaakoaga he magaaho nai mo e anoiha. Ko lautolu ne fakakite manatu kua fakamahuiga e manako ke fai fakaakoaga mo e hātakiaga ma e tau tagata fakaako (kamata mai

he tau fakaakoaga fakamua) ke fakakite tuai e tau manako lagomatai lalafi ki luga, ke mukamuka mo e moua mitaki mo e ke gahua auloa mo e tau matua mo e tau magafaoa.

Kua fakamooli e tau fakatutalaaga he tau matakupu kua lata ke taute

Kua fakapuloa mitaki e Fakaholoaga Gahua he tau manatu pulega ne taute he tau faahi oti he fakatufono ke he kumikumiaga he komiti fifili.

Mai he tau kumikumiaga he tau tau kua mole ki tua, kua mailoga lahi foki e manako he tokologa ma lautolu kua nākai katoatoa e tau malolō mo e tau fuata mui mo lautolu kua kehekehe e tau puhala akomena, ke fai mailogaaga ki ai, talia mo e fakamahuiga ko e falu ke he ha tautolu a tau takatakai akomena mo e tau tagata foki he motu. Loga foki e tau manako ke he tau fakaakoaga ke fakaholo ki mua e tau gahua ke tukutuku hifo e ekefakakelea mo e fakavihia ka e ati hake e tau tūaga tonuhia, tau malolō, tau mena kua fiafia ki ai, tau tupumaiaga, tau vagahau mo e tau agamotu.

Kua talahau foki a lautolu ke fakamahuiga e tau lagomatai ke ati hake aki e tau lotomatala he tau faiaoga. Ko e tau faiaoga ke lagomatai e tau manako mo e tau lotomatala he tau tagata akomena oti. Ko e mena ia kua lata ke fakamatapatu ke he ha lautolu a tau fakaakoaga, tau ati hake mo e tau lagomatai hololoa. Tokologa foki i a lautolu ne fakakite manatu hagao ke he tau puhala he Fakaholoaga Gahua ke fakalaulahi atu ke lauia e tau ekefakakelea ki a lautolu e tau fanāu nākai katoatoa etau malolō mo e tau fuata mui mo lautolu kua fiai manako akomena lalafi ki luga, putoia ai e tau fānau Mauli mo e Pasifika ki loto he tau fakaakoaga.

Hā i ai foki e tau talahauaga:

- Ke fakagahua e tau puhala ne kua fakatūho e tau malolō mo e tau fāhiaaga he tau fānau mo e tau fuata mui mo e fakalilifi e tau pulotu he tau matua mo e tau magafaoa laulahi
- Fakamakutu atu ke moua e tau fānau Mauli mo e ha lautolu a tau magafaoa e tau puhala kua ō tatai mo e moui faka-Mauli
- Ko e manako ke moua e tau lagomatai mitaki ke he tau aoga fakamahani me ngā kōhangareo, tau aoga mo e kura ma e tau fānau mo e tau fuata mui, tau matua, tau faiaoga mo e tau tagata fakaako
- Kumi tuai e tau puhala lagomata ke he tau manako, pihia foki mo e tau puhala fakatutala.

Ko e tau talahauga hagao ke he tau hokotaki ne kua taatu ke he Potaaga Faahi Fakaako to maeke ke kitia ki loto he tau Potaaga Pepa 1'Annex 1'. Ko e tau talahauga maopoopo to moua ke he lolomiaga nei: [add link]

Ko e fakaholoaga foou kua fakakakano ko e fakaholo ki mua he tau puhala ne kua fakagahua e tau lagomatai nei kua kamata fakagahua

Tali mai he tau 2015, kua gahua fakamalolō e Potaaga Faahi Fakaako ke tuku hifo e mavehevehe ke he tauteaga he tau lagomatai akomena. Kua tālaga e Fakataiaga Fakagahua Lagomatai Akomena foou ke putoia ai e tau gahua aoga fakamahani, tau aoga mo e kura. Kua muitua ke he tau puhala gahua mahomo atu he tau motu i fafo mo e tau fakatai ha Niu Silani ne fakamahuiga e aoga he fakatautonuaga mo e tau taliaaga ke he taufafatiaga he tau tagata he matakavi.

Foaki he Fakataiaga Fakagahua Lagomatai Akomena e atāina ke moua, talia, fakavē ke he tama mo e puhala matutaki ke he lagomatai akomena, pihia mo e lagomatai laulahi ma e tau gahua malolō tino mo e nākai katoatoa e tau malolō. Ka fakamahuiga ke he fakatautonuaga he tau manako fakamatakavi, to fakahagaa ke mailoga kua moua he tau fānau Mauli mo e Pasifika mo e tau fuata mui e tau lagomatai kua lata.

Ko e Fakataiaga Fakagahua Lagomatai Akomena kua kamata fakagahua mo e tū hagahaga mitaki ke he tau matakavi ko Bay of Plenty, Taupo, Whakatane mo e faahi ki Lalo ha Okalana tali mai he tau 2017. Kua kamata foki ke lalafi atu ki ai falu a matakavi i Niu Silani. Kua amanaki foki ke fakaholo fakapapahi e tau gahua ka taute ke hoko ke he matahiku he tau 2019.

Ko e Fakataiaga Fakagahua Lagomatai Akomena ‘Learning Support Delivery Mode’ kua fakatū muitua ke he tau manako he tau fānau mo e tau fuata mui, tau magafaoa mo e tau maaga. Ko e Fakataiaga Fakagahua Lagomatai Akomena ke foaki e tau lagomatai kehekehe kua maeke ke fakatautonu e tau manako he taha e tagata. Kua lauai ai foki e matutakiaga mo e tau magafaoa, fetufatufaakiaga he tau matanumela mo e pota fakalataha e tau gahua fakaako ke gahua auloa ke kumi e tau manako mo e fakatoka e taufafatiaga he tau maaga. Putoia ai foki e falu a fafaahi tuga e faahi malolō tino mo e faahi tino matematekelea.

Kua gahua fakalataha e tau matakau atumotu he Potaaga Faahi Gahua mo e Faahi Tau Pulotu Faiaoga mo e tau aoga ke fakagahua e Fakataiaga Fakagahua Lagomatai Akomena ke he puhala kua lata tonu ma e ha lautolu a tau putuputuaga aoga mo e tau manako he ha lautolu a tau fānau mo e tau fuata mui.

Kua fakatoka he Fakatufono ke liu fakamalolō atu e Fakataiaga Fakagahua Lagomatai Akomena ke he puhala foou he tau aoga ko e kotofaaga Takitaki Lagomatai Akomena mo e falu a gahua kua tohia ai he Fakaholoaga nai (Kikite kehe Vala Ua i lalo).

.....mua atu e holo mitaki he tau fakaholoaga nei

Ko e mahina ha Me tau 2018, ne fakailoa he Fakatufono e foakiaga tupe lagomatai ko e \$283.8 e miliona tupe foou kua fakatoka ke lata ma e matagahua lagomatai akomena he fā e tau tau i mua.

Fatifatiaga tupe 2018 putoia ai:

- E lagomatai taute tuai ma e 1,900 fuata mui lalafi ki luga he tau tau takitaha
- Malikiti hake e tau tupe lagomatai ke lata mo lautolu ne kuhukuhu mo e teliga tuli, po ke falu a lekua pehē nai
- Holo hake fakapapahi e tau fakatupeaga ke lata mo lautolu e tau faiaoga lagomatai
- Fakalaulahi he ‘Te KahuToi’, ‘Intensive Wraparound Service’ ke hoko atu ke lauia ki ai e tau fānau mo e tau fuata mui
- Tuku hake foki ki luga e tau fānau mo e tau fuata mui kua maeke ke moua e tau tupe lagomatai ke he tauteaga ne fakahigoa ko e ‘English for Speakers of other Language Funding’
- Ko e tau tupe lagomatai kua lahi mahaki ke he fakaholoaga ko e Matagahua Fakakoloa Hololoa ‘Ongoing Resourcing Scheme’ ke he 10 tau mai i mua.

Ko e tau puhala fakalaulahi nai kua lalafi atu ke he tau fakahologa ne kua kamata fakagahua he Potaaga Faahi Fakaako he tau 2017, kua fakamahino ke lata ma e tau lagomatai taute tuai ke he ati hakeaga he tau vagahau tutala mo e tau mahani mitaki he tau fānau, tau lagomatai ma e ha lautolu a tau mamatua, tau magafaoa mo e tau tagata fakaako.

...hā i ai foki e falu a hikihikiaga kua fakagahua kua maeke ke fakahagahaga mitaki falu a fekau kua puna mai

Ko e falu a valavala he Fakaholoaga Gahua Fakaakoaga he Fakatufono kua gahua ke he tau hikihikiaga ke fakahagahaga mitaki falu a fekau kua puna mai he tau manatu fakakite mo e lagomatai atu ke he fakagahuaaga he Fakaholoaga Gahua. Ko e falu he tau mena mahuiga hanai:

- Tau Aoga Anoiha
- Tālaga e Tohi Fakaakoaga mo e Kitekiteaga Holo mo e Kautū
- Fakatokaaga ma e tau tagata gahua fakaako
- NCEA (National Certificates of Educational Achievement)
- Tau fakatokatokaaga Akomena Tuai
- Fakafoou e ‘Ka Hikitia’
- Fakaholoaga Gahua ma e tau Fakaakoaga Faka-Pasifika
- Fakafoou e tau Fakaakoaga Fakamahani Gahua

Tau Aoga Anoiha

Ko e liu kitekite ke he tau fakaholoaga Tau Aoga Anoiha kua fakataitai falu a hikihikiaga mahuiga ko e gahua fēfē e ‘accountability’ ke he faahi fakaako, mo e matapatu ke mailoga kua ati hake he faahi gahua e fakatataiaga mo e mahomo atu ke lata ma e tau fānau mo e tau fuata mui. Ko e lagaki hokotaki he matakau Gahua Tūtokotaha ‘Independent Task Force’ kua fakakite e falu manatu pulega hagao ke he lagomatai akomena mo e taute foki falu a matakupu mahuiga.

Fakatai pehē, kua nākai tatai e tau ghua he faahi, tau tonuhia he tau fānau mo e tau fuata mui ke he tau fakaakoaga, mo e fakagahua fēfē e ‘accountability’.

Ko e tauteaga he tau fifiliaga hā ko e tau talahauaga mai he liu kitekite, kua lata a tautolu ke mailoga ko e fakagahua fēfē e fakaholoaga nai ma e ha hikihihiaga ka moua mai.

Tālaga mo e Tohi Fakaakoaga mo e Kitekiteaga Holo mo e Kautū

Manako a mautolu ke mailoga kua fai holo ki mua e tau fānau mo e tau fuata mui oti ke he tau akomena kua aoga ma e moui tupuolamoui mo e kitia foki e lautolu e tau fakaakoaga kua hokulo mo e matutaki ma e tau momoui. Ko e tau fānau mo e tau fuata mui kua fai manako akomena lalafi ki luga, kua lata he matagahua ke lagomatai mo e kitia ha lautolu a tau holoaga mo e tau kautū fakaako ke he tau tau kua fakaako ai a lautolu.

Fuafuaaga mo e fakailoaaga he holoaga fakaako, nākai nī ko e kautū, ke mailoga e kamataga he tama mo e fuata mui mo e tau fakakakanoaga kehekehe ke he fakatino maiaga he kautū. Kaeke ke fakamahino ke he holoaga to maeke ke lagomatai e tau faiaoaga mo e tau tagata fakaako ke taute e tau avanoa fakaako mo e tau lagomatai he tau magaaho kua lata tonu ai. To maeke foki ke lagomatai atu ke he maamaga he tau mamatua mo e tau magafaoa hagaaō ke he holoaga he ha lautolu a tau fānau, mo e mailoga e falu a mena kua lata ke lagomatai a lautolu ki ai.

Ko e taha Matakau Fakatonutonu ke lata ma e Ikipule (Ministerial Advisory Group) to maeke i a lautolu ke fakakite e tau puhala kua lata ke fakamalolō aki e tau fakaholoaga gahua mai he *Te Mātauranga o Aotearoake hoko ke he Tau Fakaakoaga ha Niu Silani ‘The New Zealand Curriculum’*.

Fakatokaaga Kau Gahua Fakaako

Kua kamata foki he Potaaga Faahi Gahua Fakaako e Fakatokaaga Kau Gahua Fakaako fakalataha mo e Faahi Fakaako.

Ko e fakaholoaga nai to lauia katoa a lautolu he tau aoga fakamahani, tau aoga ikiiki, tau aoga tokoluga, pihia mo lautolu kua gahua lagomatai, tau fakatonutonu gahua faka-Mauli mo e faka-Peritānia, pihia foki mo e fakamahinoaga ke he tau puhala fakaako ke lata mo e vagahau Mauli.

To kikite atu foki ki a lautolu he faahi fakaako e tau pulotu keehekehe kua gahua pauaki, pihia foki mo lautolu kua gahua lagomatai atu kehe tau aoga mo e tau fānau ne nākai katoatoae tau malolō, pihia mo e tau fānau kua lata ke moua e tau lagomatai akomena ke maeke ke kitia e tau lagomatai kua lata a lautolu nai ke moua. To maeke foki ke kikite atu ke he tau lagomatai ke lata mo lautolu kua manako ke eke mo tau takitaki, tau tagata gahua ofisa, pihia mo lautolu ne gahua ke he tau koloa hila he vahā.

National Certificates of Educational Achievement (NCEA)

Ko e tau 2018, ne fakamooli he Ikipule ma e tau Faahi Fakaako e kamataaga he tau fakatutalaaga fakalaulahi hagaaō ke he tau fakaakoaga NCEA. Ko e taha vala he gahua nai, ko e tau tagata Niu Silani katoatoa kua fakaohooho ke fakakite ha lautolu a tau manatu hagaaō ke he NCEA. Ko e tau manatu ne moua mai he tau fakatutalaaga nai, kua fakakite e tau talahauaga, nākai moua he tau

fānau nākai katoatoa e tau malolō tino, e tau lagomataiaga kua lata a lautolu ke moua ke maeke ke kautū ke he tau fakahologa NCEA he magaaho nai. Fakatai pehē, ko e falu a foliaga fuafuaaga, kua uka lahi ke fakakatoatoa kaeke kua fai matematekelea ke he tino. Ko e falu talahauaga ne fakamahino ki a lautolu ne moua e tau lagomatai mai he tau puhala 'Special Assessment Conditions' (SCA), (tau hikihikiaga ke he tau fuafuaaga ke fai matutakiaga mo e mukamuka ke moua) kua lahi mahaki e gahua.

Ko e aho 12 he mahina ha Me 2019, ne fakailoa he fakatufono e tau hikihikiaga foou ke he NCEA (NCEA Change Package) mo e tau puhala ke fakamololō atu ki a lautolu e tau fānau. Ko e tau hikihikiaga foou kua lauia ai foki e tau puhala nai:

- Tālaga e tau foliaga kautū mo e tau koloa lagomatai kua mukamuka ke moua mo e fai matutakiaga ke tatai e tau tūaga oti ke moua kautū, mo e tuku hifo e manako ke tohi ole ke moua e SAC.
- Fakagahua falu a puhala fuafuaaga tuga ke moua e tau tohi totou ne lalahi e tau matatohi mo e foaki ki a lautolu kua manako lagomatai.
- Fakamukamuka e tau puhala ke tohi ole mo e tau puhala liu kitekite ke lata ma e tau fakavēaga fuafuaaga fakamahino.

Ko e tau 2019, kua gahua fakalataha e Potaaga Faahi Fakaako mo e tau matapatu pulotu gahua ke fakamatafeiga e tālagaaga he tau hikihikiaga nai, pihia foki ke maama e talahauaga ke he fakagahuaaga.

Fakaholoaga fakatokatokaaga Akomena Tuai

Ko e fakaholoaga fakatokatokaaga ke fakakite e puhala mo e onoonoaga ma e tau fakaakoaga taute tuai ke he 10 e tau tau i mua. To fakakite epuhala ke ati hake mo e fakamalolō e faahi akomena tuai ke lata ma e tau manako he tau fānau oti mo e ha lautolu a tau magafaoa.

Ko e matakau fakatonutonu ne putoia ai e tau pulotu fakaako, tau tagata gahua ki loto he faahi gahua, mo e Potaaga Matakau Fakatonutonu ke gahua fakalataha ke tālaga e lagaki fakamua he Fakaholoaga Fakatokatokaaga Akomena Tuai. Kua maopoopo tuai e tau fakatutalaaga nei mo e gahua ki ai a lautolu ke moua e lagakii fakahiku.

Ka Hikitia

Kua fakafoou e 'Ka Hikitia' ke eke mo taha vala he tau Fakatokaaga Gahua he Faahi Fakaako (Education Work Programme). Ko e taha puhala a nai ke fakamalolō aki e tau gahua he faahi fakaako, ke moua he tau Mauli e tau lagomatai kua ō tatai mo e lata mo lautolu. Ko e tau puhala ke kautū e tau fakaakoaga ma lautolu e tau Mauli, kua lata nī ke fai fakaholoaga pauaki e faahi fakaako:

- ke maeke he tau Mauli ke eke mo tau leveki ke he tau puhala fakaako atu ki a lautolu e tau Mauli

- lagomatai atu ke he tau Mauli ke he tau puhala fakamagafaoa
- lagomatai atu ke he tau kehekeheaga loga he puke tagata Mauli
- fakamahuiga e vagahau mo e tupumaiaga he tau Mauli, pihia foki mo e ha lautolu a tau agamotu
- ke atāina mai he tau mahani ekefakakelea mo e amuamu

Ko e fakaholoaga gahua nai to matutaki atu tumau mo e tau fānau mo e tau fuata mui Mauli, tau magafaoa, hapu, pihia foki mo e tau pulotu Mauli ke hetau fakaokaga fakalataha mo e falu ki loto he faahi fakaako. Ko lautolu he fakahologa ‘Ka Hikitia’ to moua foki e tau fakailoaga mai he falu faahi gahua i lalo hifo he Fakaholoaga Gahua Fakaako ‘Education Work Programme’.

Fakatokaaga Gahua ma e tau Fakaakoaga he Pasifika

Ko e fakatokaaga gahua nei kua liu fakamoui hake he tau 2019. To fakamatapatu mo e lagomatai ke he puhala-katoatoa ke mailoga kua fakamahuiga e tagata akomena Pasifika fakalataha mo e ha lautolu a tau magafaoa ke fakamahuiga e tau manako ke he tau fakaakoaga. Ko e tau manatu fakakite kua moua mai he tau fono mo e tau tagata Pasifika he tau 2018, ne kau fakalataha atu ki ai a lautolu ne gahua ke he tau puhala ‘Kōrero Mātauranga Education Conversation’, mo e amanaki ke fakakite e tauteaga he taha Fakaholoaga Gahua foki ma e tau Fakaakoaga Pasifika.

Fakafoou e tau Fakaakoaga Fakamahani Gahua

Kua amanaki e fakatufono ke fakafoou e tau Fakaakoaga Fakamahani Gaahua Ko e onoonoaga ke moua taha puhala fakaakoaga fakamahani gahua malolō mo e maopoopo mo e tumau hololoa ma e tau gahua anoiha, ke taute e tau fakaakoaga kua manako e tau tama akomena, tau takitaki gahua mo e tau tagata ke moua aki e kautū. Ko e tau fakaholoaga nei to fakamahino ke lagomatai atu ki a lautolu oti kua fia manako ke fakaako. Kua maopoopo foki e tau fakatutalaaga ke he tau hikihikiaga mo e amanaki ke fai fifiliaga ke he tau talahauaga.

Manako a mautolu ke gahua auloa fakamitaki e tau eisini he fakatufono

Manako a mautolu ke fakaholo ki mua e tau matutakiaaga he tau gahua he tau faahi fānau matematekelea mo e tau fuata mui mo lautolu kua manako lagomatai lalafi ki luga mo e ha lautolu a tau magafaoa. Kakano he mena nai, to mukamuka ke uta kehe e tau lekua mo e taute e tau fakaholoaga mitaki ke he tau vala faahi gahua mo e tau lagomatai ne fā mahani ke fakatupe he falu a matakau kehekehe.

Kua fitā foki e Potaaga Faahi Gahua he gahua ko e taha vala he ‘Mana Whaikaha’ ke mukamuka e tau fānau nākai katoatoa e tau malolō mo e ha lautolu a tau magafaoa ke moua mo e fakaaoga e tau lagomatai fakaakoaga mo e fakamalolō tino. Ko e taha vala a nei he fakafoouaga lagomatai ki a lautolu kua matematekelea kua fakamatapatu he Potaaga Faahi Malolō Tino.

Kua gahua foki e Potaaga Faahi Fakaako mo e falu a faahi gahua he fakatufono ke he taha fakahologa ne fakahigoa ko e Fakaholoaga Gahua ‘Foetal Alcohol Spectrum Disorder’ Kua fitā e fakaholoaga nei he fakagahua ke he tolu e tau tau mai he tau 2016 ke he 2019 mo e fakamahino ke he fā e fafatiaga gahua: puipui, fakakite tuai, lagomatai mo e fakamooliaga.

Ke eke mo taha vala he gahua nai ne tālaga he Potaaga Faahi Fakaako e tau koloa ma e tau faiaoga ke fakatolomaki e tau lotomatala mo e tau mailogaaga ke he gagao ‘foetal alcohol spectrum disorder’ mo e tau hagahag kelea ke he tau akomena. Ko e tau puhala lagomatai pehē nai kua putoia ai e loga he tau fakatokatokaaga ke maeke he tau faiaoga ke fakaaoga ke lagomatai aki e tau tama fakaako kua moua he gagao ‘foetal alcohol spectrum disorder’.

Ko e fakatokatokaaga Tupuolamoui ma e Tama mo e Fuata Mui

Kua kau fakalataha e Potaaga Faahi Fakaako ke he tau puhala ke gahua auloa mo lautolu he falu faahi gahua ke he fakatokatokaaga tupuolamoui ma e tama mo e tau fuata mui ke fakamooli he Fakatufono ke he tau tauteaga ke fakatolomaki e tupuolamoui he tau fānau mo e tau fuata mui oti, pihia foki mo lautolu kua moua e tau tino matematekelea po ke kua manako lagomatai akomena lalafi ki luga. Fakalataha foki ke he tauteaga nei, e tau puhala laulahi he fakatufono ke fakahagahaga mitaki e tau manamanatuaga tupuolamoui, tau ekefakelea ke he tama mo e fuata mui.

To mailoga he Fakatokatokaaga e tau talahauaga he tau fānau mo e tau fuata mui ke ati hake e agaaga matutaki ke he tau agamotu, tau aoga mo e tau tagata. To fai talahauaga foki ke he tau manatu pulega he Kumikumiaga he Fakatufono ke he Malolō Manamaanatuaga mo e tau Mena Kua Pule Katoatoa ke he Moui he Tagata (Addiction). To lauia foki e tau gahua malolō tino, tau fakafafiaaga, mo e tau tagata pihia foki mo e falu a lagomatai loga atu ma e tau magafaoa mo e tau mamatua.

“Ko e puhala he 20 e tau teau tau kua mole ma e ‘fakaakoaga fakamahino’, kua muitua ke he tau puhala gahua he magaaho ne fakatū ai. Pete kua mailoga ki ai po ke nākai, kua fakalataha e tau puhala, tau fakatokatokaaga mo e tau amaamanakiaga ke fakatautonu e tau puhala kua nākai gahua fakamooli ai e tama po ke fuata mui tuga kua lata ki loto he aoga pihia ki fafo mai he aoga. Fakatai ko e puhala fakavē-malolō ke he lagomatai akomena he 21 teau tau kua lata ke kamata mai he taofiaga ke he tagata mo e ha lautoku a tau malolō mo e tonuhia ke hoko ke he tapunu, pete kua loga e tau tauteaga kehekehe ha lautolu fakatagata.” — tau talahauaga mai he matakau NZ School Trustees Association⁵

⁵Ko e tau manatu fakakite ne lolomi ke he tohi nai kua moua mai i a lautolu ne hokotaki atu ke he Fakaholoaga Lagomatai Akomena mo e Moui Matematekelea ‘Disability and Learning Support Action Plan’ he mahina Oketopa 2018.

VEVEHEAGA 2: Tau fakatokaga mahuiga ke lata ma e tau 2019 ke he 2025

Ko e tau fakatokatokaaga mahuiga ne ono ne kua kitia ko e tau hikihikiaga ke moua mai e tau kehekeheaga lahi he tau tau i mua ke fakamalolō aki e fakavēaga he lagomatai akomena, fakalataha mo e puhala fakaakoaga laulahi mo e tau gahua he fakatufono kua tohia ke he Fakaholoaga Gahua nai.

Kua malolō foki e tau fakailoaaga he tau manatu pulega ne taute he tau faahi gahua oti he fakatufono ke he komiti fifili kumikumi ke he Mailogaaga mo e Lagomataiaga ma e tau Fānau mo e tau Fuata Mui he tau Aoga Fānau Ikiiki mo e tau Aoga Tokoluga he 2016 kua moua he Dyslexia, Dyspraxia mo e Autism Spectrum Disorders.

Ko e taufafatiaga nai ke fai mitaki laulahi ma e tau fānau, tau fuata mui mo e ha lautolu a tau magafaoa, tau tagata fakaako, mo e taute ai falu a fakaholoaga fakamahino ki mua ma lautolu kua nākai fakatautonu mitaki ha lautolu a tau manako he tau magaaho ki tua. Lauia fakalataha a lautolu e tau fānau ne nonofo ke he vahāloto e tau manako lagomatai, lautolu kua mahomo atu e tau lotomatala mo lautolu kua mukamuka ke toka e tau fakaakoaga.

Kua lata ke fakatumau e mahuiga he tau magafaoa Mauli ko e magafaoa auloa, fakalataha mo e mahuiga he vagahau, tupumaiaga mo e agamotu ke lata ma e tau fānau mo e tau fuata mui Mauli. Ko e tau puhala ke fakatolomaki ki mua kua lata ke fakaaoga a lautolu e tau magafaoa he magaaho ka tāmata e tau fakaholoaga gahua mo e tau fififliaga ne kua mitaki ke lagomatai atu ke he tau fakaakoaga he tau fānau mo e iloa foki he tau magafaoa e tau puhala ke omoi fakalahi ke he ha lautolu a tau fānau.

Ko e hagaoaaga ke eke e tau aoga fakamahani oti (me ngākōhangareo), tau aoga ikiiki mo e ‘kura’, ke fiafia ke fakafeleveia, fakamalolō e tau takatakai fakavē akomena ke fakakite aki e tau puhala fakaakoaga mo e akomena ke maeke ke hikihiki mo e tau puhala akomena kehekehe kua taute fakalataha mo e vagahau, tupumaiaga mo e agamotu mo e maeke he tau fanāu mo e tau fuata mui ke moua e tau lagomatai kua lata tonu ke he tau magaaho kua lata tonu foki.

Ko e taufafatiaga Fakaholoaga Gahua ne ono hanei:

1. fakamalolō e tau lagomatai ki loto he tau aoga ke lata mo lautolu ne nākai katoatoa e tau malolō, pihia mo lautolu kua manako lagomatai lalafi ki luga, ke lata mo e vala fakamua **he folafolaaga he Lagomatai Akomena ma e tau Takitaki**
2. ‘fakaaoga e tau puhala foouke **fakamalolō e tau kumikumiaga mo e maeke ke kitia tuai a lautolu kua lata ke moua e tau lagomatai**
3. **fakamalolō e tau puhala ke gahua tuai ke he tau fānau** mo e fakalaulahi e tau puhala mo e tau lagomatai kua lata ke moua e lautolu

4. tālaga fakapapahi mo e fakagahua e tau vahega **e tau lagomatai ki a lautolu e tau fānau mo e tau fuata mui kua nākai katoatoa e tau malolō** mo lautolu nākai hokotia e tau lagomatai mo e tau koloa kua tokoluga atu
5. **ke moua mitaki e tau lagomatai akomena ke lata ma e tau fānau kua mahomo atu e tau lotomatala mo e tau fuata mui** ke maeke i a lautolu ke fakaholo ki mua e mouaaga he tau lagomatai ke he tau fakaakoaga
6. **fakaholo ki mua e tau fakaakoaga ma e tau fānau mo e tau fuata mui ne mukamuka ke ō kehe mai mo e tau fakaakoaga** ka e foaki e tau puhala lagomatai foou ke puipui aki e tau mahani nai, fakaholo ki mua e tau fakavēaga ma lautolu kua lata ke moua e tau lagomatai pehē nai mo e fakalaukauka hake e tau lagomatai ke lata ke kautū a lautolu kua liliu mai ke he tau fakaakoaga.

Ko e Fakaholoaga Gahua nai kua maeke ke kitia maopoopo ke he laupepa nūmela 12 he tohi nai.

Fafatiaga 1: Tau Takitaki Lagomatai Akomena

Ko e mahina ha Novema 2018, ne fakailoa he takitaki lahi he Fakatufono Niu Silani ko e Lilifu Prime Minister, Right Honourable Jacinda Ardern e fatifatiaga tupe ko e \$217 e miliona (lata mo e molea e fā e tau) ke kamata fakagahua e vala fakamua ke moua 600 he tau Takitaki Lagomatai Akomena (LSC) ke kamata he tau 2020. Ko e tāmataaga he tau pū gahua LSC kua muitua ke he tau manatu pulega ne moua mai he tau kumikumiaga he Komiti Fifili.

Ko e tau fakatokaaga ke lata ma e vala ke ua aki, pihia mo e falu a vala foki he tau magaaho i mua, fakagahua kaeke kua maopoopo e tau fakaholoaga fakamua he tau aoga mo e kura, hagao ki a lautolu nei ko e tau takitaki ‘LSC’. Ko e vala fakamua to maeke i a lautolu e tau Takitaki Lagomatai Akomena LSC ke fakamooli mo e hakahaka e tau pū gahua to maeke ke taute fakahaga ke he tau aoga laulahi. To maeke foki ke kitia fakamahino e fakatino hagao ke he tau manako ke lagomatai atu ke he tau tagata fakaako.

Ko e heigoa e tau pū gahua Takitaki Lagomatai Akomena (LSC)?

Ko e tau LSC, ko lautolu ne kua gahua ki loto he tau aoga mo e maeke ke tālaga e tau puhala lagomatai he tau faiaoga, mo e fakakite mo e fakatoka e tau manako lagomatai akomena ke lata ma e tau fānau mo e tau fuata mui oti i loto he tau aoga. To maeke a lautolu e tau LSC ke fakaaoga auloa he tau aoga ikiiki.

Ko e tau LSC to gahua fakatata atu a lautolu ke he tau Tagata Fakatonutonu Lagomatai Akomena he Potaaga Faahi Gahua ke he Fakataiaga Fakagahua Lagomatai Akomena, ke matutaki mo e tau vahega gahua lagomatai pulotu tuga e tau Gahua Faiaoga Lagomatai (Resource Teacher Service), mo lautolu ne gahua ki fafo e faahi fakaako mo e tau matakau he tau tagata. To gahua fakalataha foki e tau LSC mo lautolu e tau Takitaki Tau Manako Fakaakoaga Fakamahino ‘Special Education

Needs Coordinator (SENCOs) ne kua gahua fakalataha mo e fakatumau ha lautolu a tau fakaholoaga gahua mo e tau aoga po ke ‘kura’.

Kua amanaki ke kitia lima e matapatu gahua ka leveki ki ai e Tagata Lagomatai Akomena (LSC) mo e maeke ke foaki e tau lagomatai kua lata:

1. lagomatai atu ke he tau fānau he tau aoga mo e ‘kura’
2. gahua fakalataha mo e tau faiaoga i loto he tau aoga mo e kura
3. takitaki e tau fakatutalaaga mo e tau aoga laulahi ke moua mai e tau talahauaga mai he tau mamatua mo e tau magafaoa, pihia foki ke maama he tau fānau e tau magaaho ka taute ai he tau aoga e tau fifiliaga ke he tau lagomatai akomena
4. gahua fakalataha mo e falu LCS ke he falu a vahega aoga katoa po ke ‘Kāhui Ako’ mo e matutaki atu ke he Takitaki Lagomatai Akomena mo e falu a vahega lagomatai ki lalo hifo he Fakatai Fakagahua Lagomatai Akomena
5. gahua auloa mo e tau takitaki he aoga po ke‘kura’ ke maeke he tau fānau oti fakalataha mo lautolu kua mahomo atu e tau lotomatala, ke moua e tau lagomatai kua lata ke lagomatai atu ke he ha lautolu a tau fakaakoaga.

Ko e LSC foki to maeke i a lautolu ke taute e tau puhala ke fakamukamuka e tau lagomatai ke he tau fānau mo e tau fuata mui kua fai manako lagomatai lalafi ki luga kamata mai he tau aoga fakamahani ke he tau aoga, vahāloto he tau vahega tau takitaha, ke he tau aoga tokoluga mo e atu ke he tau aoga pulotu, tau fakaakoaga gahua po ke gahua.

Ko e tau tupe fakamole ke lata ma e tau pū gahua nai (LSC) to lalafi ki luga ke he tau tupe fafati ne mahani e tau aoga ke moua.

Ko e hā ne kua mahuiga e gahua he Tagata Lagomatai Akomena (LSC), mo e fai mena mahuiga ke moua mai ma e tama mo e fuata mui?

Ko e magaaho nai, nākai fai fakatokaaga pauaki, lagomatai fakatupe katoatoa ki loto he tau aoga mo e ‘kura’, pete kua fakaaoga he falu aoga gāhoa e tau tupe ha lautolu ke omoi e tau gahua he ‘SENCO’.

Ko e taha gahua he LSC mo e tau aoga, ke takitaki e tau fakaholoaga ke tāmata mo e fakagahua e tau puhala mo e tau fakatokatokaaga ke lagomatai e tau fānau mo e tau fuata mui oti ke akomena mo e holo ki mua, gahua fakalataha ke kautū e tau gahua. Ko e taha puhala a nai ke gahua auloa mo e tau fānau mo e kitia e tau levekiaga he tau mamatua ke he tau fakaakoaga he tau fānau ha lautolu, mua atu ke maama e tau manako lagomatai he tau fānau mo e maeke ke fakatautonu fakamitaki.

To fiafia e tau fānau ke gahua auloa mo e tau faiaoga kua maeke ke moua e tau lagomatai mai i a lautolu e tau pulotu kehekehe ke fakatolomaki atu ki mua ha lautolu a tau iloilo mo e lagomatai atu ke he tau fānau. To maeke foki i a lautolu ke moua mai e tau mitaki mai he tau faiaoga, tau mamatua mo e tau magafaoa, he tau magaaho ka gahua auloa a lautolu ke he tau fekau lagomatai akomena.

Ko e taha vala he tau Fakatai Fakagahua Lagomatai Akomena, to matutaki mo e falu he tau LSC he falu he tau aoga, ‘kura’ ti pihia ke hoko ke he tau manako lagomatai ne maeke ke moua mai he tau tagata. Maeke ai ke fakmatafaeiga ke he tau fānau mo e tau fuata mui nākai hokotia ke moua e tau lagomatai mahomo atu tuga e Matagahua Fakakoloa Hololoa (Ongoing Resource Scheme), lauia ai foki a lautolu neaoga lahi e tau puhala fakaako fakavē-aoga , mo e tau fakavēaga fakamalolō.

“Kua talia mo e fiafia e au e manako ke fai Takitaki Lagomatai Akomena e tau aoga oti. Ko e tau pū gahua mahuiga lahi a nai mo e lahi e tau magaaho ne mole.” — talahuaga mai he matua

Tau matapatu matakupu mo e fatifatiaga he tau magaaho

To tauteute e tautolu e....	Tau magaaho
Liu fakakite atu e tau gahua he Takitaki Lagomatai Akomena ke he tau aoga. <ul style="list-style-type: none"> • Tālaga e tau puhala fakamole tupe ke he fufuta fakamua, fakalataha foki mo e tau tufatufaaga he tau matagahua lalahi, ko e fakamooliaga he tau pū gahua nai, puhala ke moua aki e tau tagata gahua foou, tau puhala lagomatai ke lata ma e tau aoga mo ‘kura’ 	Apelila ki a Tesemo 2019
• Fakaholo e tauteaga fakamua ke he tau aoga	Mai i a lanuali 2020
• Matakaki mo e liu kitekite ke he fakagahuaaga he vala fakamua he tau LSC. Tālaga mo e fakagahua e falu a lauhala foki [fakatatau ke he tau tupe fafati].	lanuali 2020 ke he 2025

Fatifatiaga 2: Kumikumi ke kitia tuai e tau manako lagomatai akomena lalafi ki luga

Manako a mautolu ke foaki age ke he tau fānau e tau lagomatai kua lata, he magaaho kua lata tonu ai a lautolu ke moua. Ko e puhala ke taute aki e fekau nai, to muitua nī ke he tau fakatokaaga ne kua maeke ke fakagahua ke moua mafiti he tau fānau e tau lagomatai. Kua lata e tau lagomatai ke kamata mo e tau faiaoga mo e falu a tagata fakaako, ke fakamua ke hikihiki e tau mena tutupu he pokoa aoga to hohoko atu ke fakaaoga e tau lagomatai fakapulotu. Ko e kakano ne taute pihia ke maeke ke kitia po ke tau fānau mo e tau fuata mui fē kua lata ke fakalaulahi e tau kumikumiaga ke he ha lautolu a tau manako akomena, ka e nākai fakamahino e kumikumi ke he ha lautolu a tau lekua.

To gahua fakalataha e Potaaga Faahi Fakaako mo e Potaaga Faahi Malolō Tino ke kitia kua maeke he tau koloa kumikumi foou nai ke lata ma e tau manako lagomatai akomena ke fakahū fakamitaki ke he tau puhala fuafua he tau kumikumiaga tivi malolō tino.

Ko e tau puhala kumikumiaga foou fēfē ka tālaga?

Kua mua atu e mahuiga ke fakatumau ke moua mai e tau manako akomena mai he tau matua, tau magafaoa, mo lautolu kua leveki ke he tama hā ko lautolu kua iloa lahi e tama, fakalataha foki mo lautolu kua taute e tau fakaakoaga. To lafi foki e mautolu falu a koloa kumikumi foou ke he tau fakaakoaga ke fuafua aki e tau fānau he tau fufuta takitaha. Ko e tau koloa he Potaaga Faahi Fakaako ke kumikumi fakalaulahi ki ai:

- Tivi katoa e malolō tino he tama ka 3 e tau moui, pihia foki ki a lautolu kua lauia ke he ‘autism spectrum disorder’
- Fakatumau ke moua e tau koloa lagomatai ka oatu foou ke he tau aoga
- Kumikumi fakahokulo ki a lautolu kua lauia ke he ‘dyslexia’mo e ‘dyspraxia’mo lautolu kua talahau kua mahomo atu e tau lotomatala
- Fakatumau ke fuafua e malolō tupuolamoui he tau fānau oti ka holo mai he he aoga fānau ikiiki ke he aoga tokoluga.

To maeke foki he Potaaga Faahi Fakaako ke kamata kumikumi mo e fakakite e tau koloa kua maeke ke kitia aki e tau gagao ‘dyslexia’mo e tuku atu e tau koloa nai ke maeke ke fakaaga fakalataha he magaaho ka taute ai e vala fakamua he tau Takitaki Lagomatai Akomena. To gahua fakalataha foki e Potaaga Faahi Fakaako mo e falu he tau aoga mo e ‘kura’, ke kumikumi, ati hake mo e tālaga auloa e taha fuafuaaga holo tatai ka hoko atu e tama ke he aoga. To kitekite atu foki e Potaaga Faahi Gahua Fakaako ke he tau puhala ke putoia ai e tau fānau mo e tau fuata mui fakalataha mo e ha lautolu a tau mmatua mo e tau magafaoa. Ko e hagaoaga he tau koloa kumikumiaga mo e fuafuaaga ke moua he Te Reo Maori mo e Vagahau Fakamailoga ha Niu Silani (New Zealand Sign Language).

Ko e hā kua mahuiga ai e fafatiaga nai ma e tau fānau mo e tau fuata mui mo e ha lautolu a tau matua mo e tau magafaoa?

Kua nākai taumaleku e tau fakamooliaga ke he tau mena uho ke he tau momoui akomena mo e tupuolamoui ka moua mai ke maeke ke kitia tuai e tau lagomatai mo e tau fakatautonu kua lata. Lafi atu ke he tau puhala ke moua tuai he tau fānau mo e tau fuata mui e tau manako lagomatai, ko e tau kumikumiaga nei to lagomatai atu foki ke he tau matua, tau magafaoa, tau tagata fakaako ke mahino ki a lautolu e tau manako he tau fānau mo e tau fuata mui. To maeke he tau puhala nei ke moua e tau hikiaga mitaki ke he tau fakaokaga he tau fānau, mo e iloa foki po ke tau puhala fēfē kua mitaki kaeke kua manako ke fakagahua he tau aho i mua. To maeke ai foki ke kitia ko e tau manako ne kitia mule to moua lagomatai atu ki ai. Ko e tau puhala kumikumi to maeke ke kitia e tau fakahologa lau tatai hā ko e mena to nākai totogi he tau matua e tau kumikumi he tau manako lagomatai nei.

Ko e tau matanūmela ka moua mai he tau kumikumiaga nei, to maeke ke fakaaoga fakalaulahi ke moua aki foki e falu lagomatai kua lata mo e iloa ko e tau magaaho fē kua lata ke fakagahua.

To kitekite fakamakutu atu ke he tau puhala fakalaulahi mo e fakagahuaaga he tau koloa kumikumiaga nei

To fakamaopoopo mo e iloa po ko hai ka taute e tau fakaholoaga nai, mo e lahi he kumikumiaga, tau veveheaga tau moui ke taute ai e tau kumikumiaga mo e tau puhala ke fakaaoga mo e tau koloa kua lata ke moua. To onoono e Potaaga Faahi Fakaako po ke lauia katoa nakai e tau kumikumiaga nei tuga ne kua tohia ke he tau Fakaholoaga Gahua Lagomatai Akomena ma e tau Matematekelea tuga e kumikumiaga ma e foetal alcohol spectrum disorder, po ke falu a lekua malolō tino (ensory processing disorders).

Ko e tau kumikumiaga nai, kua lata ke fakahagahaga mitaki ke he tau momoui tagata. Kua lata ke mukamuka ke fakaaoga Kua lata foki e tau gahua nei ke fakalilifu atu ke he tau nonofoaga he tau fānau mo e ha lautolu a tau magafaoa, mo e nākai fakalahi ki luga e kavega ke lata ma e tau faiaoga mo lautolu e tau tagata fakaako.

To nākai muitua po ke kau atu e tau koloa nei ke he kehekeheaga fakamotu, ka e kitekite atu ke he tama mo e haana a tūaga ki loto he haana a magafaoa laulahi. To fakakite foki e falanakiaga ke he tau fakaholoaga he tau Mauli (Te Ao Maori) tuga e ‘rangatiratanga’/takitaki, ko e vagahau mo e tau talahauaga tala, ‘tikanga’mo e tau aga fakamotu kua talahau tokoluga ai a lautolu.

Ko e tau koloa nei to maeke ke lagomatai e kitiaaga tuai he tau manako lagomatai akomena he tau vahega tama fakaako kua lauia ke he falu a lekua (tuga fakaaga fakamotu mo e fakatupe) kua maeke ke fakahagahaga kelea atu ke he tau kitiaaga tuai mo e falu a tauteaga.

Ko e tau koloa kumikumi to tālaga fakalataha mo e falu afafatiaga ki loto he Fakaholoaga Gahua nai, kua maeke ke tālaga e tau vahega lagomatai mo e tau gahua ma e tau fānau mo e tau fuata mui, mo e ha lautolu a tau magafaoa, tau faiaoga mo e falu a tagata fakaako mo e ha lautolu a tau fakaakoaga nākai fai tauhele ke he Fakatai Fakagahua Lagomatai Akomena.

“Pete kua nākai iloa oti e tautolu e laulahi mo e hokulo he tau manako he tau faahi oti he lagomatai akomena, kua omoi fakalahi a tautolu ke he puhala nai hā kua mitaki e tau koloa ma e tau fuafuaaga fakalalolagi ke kumi fakamua e tau faahi ke taute ke maeke a tautolu ke fuafua e lahi he manako.” — tau talahauaga mai he Ofisa he Komisina ma e tau Fānau

Tau matapatu gahua mo e tau magaaho

To tauteute e tautolu e...	Fatifatiaga he tau magaaho
Tālaga e tau koloa kumikumiaga fakavē-fakamooliaga fakatatai ke he tau talahauaga he tau Mauli, mo e fakamahino ke he tau manako lagomatai (ka e nākai ko e tau veteveteaga):	
<i>Kumikumi e tau gagao ‘dyslexia’, ‘dyspraxia’ mo e tau fānau kua mahomo atu e tau lotomatala:</i>	Iulali 2019 – Tesemo 2020
<ul style="list-style-type: none"> • Kumi e tau koloa he magaaho nai ke kitia aki e ‘dyslexia’ mo e fakakite ke ō tatai mo e fakagahuaaga lauhala fakamua he tau Takitaki Lagomatai Akomena. • Kamata fakagahua e tau fakaholoaga nei ke lauia katoatoa e tau aoga ikiiki mo e kura [fuafua kehe tau tupe fafati]. 	Mai he tau 2021
<i>Amanaki ke moua e tau koloa lagomatai ke tāmata e fakavēaga ka omai he aoga.</i>	Iulali 2019 ki a Tesemo 2020
<ul style="list-style-type: none"> • Kumikumi, e tau ati hakeaga fakamua mo e tau kamamatama (mo e tau matakau ikiiki he tau aoga mo e kura kua moua e lauhala fakamua he LSC • Fakagahua e tau puhala nei ke lauia katoa e tau aoga mo e ‘kura’ [muitua ke he tau tupe fafati]. 	Kamata he tau 2021
<i>Tau gahua ke fuafua e tau fānau aoga fakamahani mo e kumikumiaga malolō he tau fuata mui.</i>	Kamata he tau 2020 To fakamooli e fakagahuaaga
Kumikumi (ki lo lo he tau fakaholoaga he Potaaga Faahi Malolō Tino) e tau puhala fuafua he tau aoga fakamahani (3 e tau moui) mo e tau malolō tino he tau fānau fuata mui: fakahui e tau koloa gahua he magaaho nai, fakafelau mo e tālagaaga he tau puhala gahua, mo e fakagahua [muitua ke he tau tupe fafati].	

Fafatiaga 3: Fakamalolō e tau puhala hikihikiaga taute tuai

Kaeke ke mitaki e moui he tama he vahā ne moui hake ai, to pihia foki haana a tau fakaakoaga, tau puhala fakafetui mo e tau tagata, pihia mo e haana a moui tupuolamoui. Putoia foki e tauteaga nai mo e tau hikihikiaga taute tuai ke he moui he tama, mo e maeke he tau fānau mo e magafaoa ke moua mafiti e tau lagomatai fakamafiti. Ko e tau hikihikiaga lagomatai mo e tau gahua taute tuai kua taute ke lata ma e tau fānau kamata mai he magaaho ne fānau ai ke hoko atu ka kamata oatu he aoga, mo e mailoga e tama ke he tūaga he ha lautolu a tau magafaoa.

Ne kitia ke he tau fakamooliaga ko e tau hikihikiaga taute tuai to mua atu e mahuiga kaeke kua tuku fakalataha e tau lagomatai ke he tama mo e haana a magafaoa ke he tau aho oti.

Ko e heigoa e kakano he fasatiaga nai?

Ke moua mai e mitaki, kua lata e tau kumikumiaga ke paletua aki e tau lagomatai kua manako a lautolu ki ai. To fakakite e mautolu e tau vahega gahua lalafi ki luga, tau lafilafiaga mo e lahi he tau gahua kua lata ke foaki e tau ke he tau fānau mo e kitia hā e fē e ha fakaholoaga ki mua ke taute po ke ha lagomatai foou kua liga lata ke moua. Putoia ai e kitekiteaga ko e heigoa e tau talahauaga mo e tau lagomatai kua manako ki ai e tau magafaoa. To tālaga ki luga he tau gahua foou ne tālaga he 2017 ma e tau fānau⁶, tau fatifatiaga tipe lalafi ki luga ma e tau 2018 ma e tau gahua ke taute tuai mo e kamata e Fakataiaga Fakagahua Lagomatai Akomena.

To gahua foki a mautolu mo e falu a faahi gahua ke foaki e tau lagomatai fakalaualahi mo e kau fakalataha atu ke he tau gahua pehē nai he falu faahi gahua. Ha ne gahua foki ki ai e Potaaga Faahi Fakaako ko e taha vala he Mana Whaihaka – ko e taha kautaha mahuiga (MidCentral Prototype) kua takitaki he Potaaga Faahi Gahua Malolō Tino.

Kua gahua fakalataha a mautolu mo e Te Kohanga Reo National Trust (TKRNT) ke fakatau talaga mo e fakailoa e ‘kaiako’, tau mamatua mo e tau magafaoa ke iloa mo e maeke ke oatu ke moua e tau puhala lagomatai akomena (mua atu ki a lautolu ne kua lekua ha lautolu a tau mahani, tau vagahau mo e moua he ‘autism’). To gahua fakalataha e Potaaga Faahi Fakaako mo e TKRNT ke ati hake e tau malolō he tau tagata gahua, tau magafaoa mo e ‘kaiako’ ke fakatautonu e tau manako he tau fānau.

Ko e gahua ke fakamalolō e tau hikihikiaga taute tuai, to fakamakai foki a mautolu ke tukutuku hifo e tau magaaho fakatali he tau magaaho nai.

⁶Ko e tau puhala ke moua e malolō tupuolamoui (Gahua Vagahau mo e Lotomatala Totou mo e Tohitohi, Gahua Fakalaualahi Mahani mo e Incredible Years Autism (Oral Language and Literacy, Expanding Behaviour Service, and Incredible Years Autism) ke moua lagomatai foki, moua tuai ma e tau fānau i lalo hifo he 8 e tau tau, mai he tau puhalag ahua kua fiofio ka e fakamahino ke he tagata tokotaha.

Ko e hā ne mahuiga ai e fafatiaga nai mo e lagomatai atu fēfē ke he tau fānau?

Hā hā i ai e tau fakamooliaga ko e tau puhala kua fakatoka fakamitaki, kua maeke ke lagomatai atu tuai ke he tau fānau aoga fakamahani, to maeke foki ke moua he tau fānau fakalataha mo e ha lautolu a tau magafaoa e tau kautū. Putoia ai fakalataha foki e tau kautū ke he tau malolō tupuolamoui, tau tino malolō, ati hake e tau vagahau, ati hake e tau fakafetuiaga, matutakiaga mo e fakalatahaaga ke he tau aoga mo e akomena mo e kautū.

Falu kitekiteaga ke fakamalolō e tau lagomataiaga taute tuai

Mailoga kua putoia, fakalataha mo e auloa mo e mahuiga ke lagomatai ma e kautū he lagomatai taute tuai. Ko e tau Whanau mo e tau magafaoa kua mahuiga ke he tau fifiliaga ma e ha lautolu a tau fānau. Lauia fakalataha ke he tau puhala ke maeke he tau mamatua mo e tau magafaoa ke fakamalolō ke kumi e tau lagomatai kua lata, mo e nonofo fakalataha ke he tau fakatutalaaga he magaho ka taute ai e tau fifiliaga. Fakatai pehē, ke gahua fakalataha e tau magafaoa mo lautolu e tau tagata fakaako he tau aoga fakamahani, tau pulotu lagomatai akomena, mo e falu a faahi gahua ke mailoga kua moua he tama mo e magafaoa e tau lagomatai kua lata.

To kitekite fakamakutu foki a mautolu po ke kua lata nakai e tau lagomatai he magaaho nei ma e tau manako kehekehe katoa he tau fānau, po ke fai manako lalafi ki luga, fakamahino atu foki ke he falu mena ne toe.

“Fakatutala a mautolu ke he mahuiga he tau lagomataiaga aga taute tuai mo e kitia tuai e tau mena uka ka e mui mai e 10 mahina ke he 2 tau he fakatali ke gahua auloa mo e falu a matakau gahua” — tau talahauaga mai he taha faiaoga

Tau matapatu gahua mo e tau magaaho

To tauteute e tautolu e...	Fafatiaga he tau magaaho
Tuku hifo ki lalo e tau magaaho fakatali ke moua e tau lagomataiaga taute tuai <ul style="list-style-type: none">• Kumikumi e tau tauteaga mahomo atu ke he tau magaaho fakatali, fakatū e tau matakai foou mo e fakatoka e tau fakaholoaga loga-tau ke fakatautonu aki e tau matakai foou.• Fakagahua hololoa e fakaholoaga loga-tau.	Iulai ki a Tesemo 2019
Fakatolomaki ki mua e tau lagomataiaga taute tuai ma e tau fānau mo e tau magafaoa: <ul style="list-style-type: none">• Fakatau tālaga mo e fakagahua fakalataha mo ‘Te Kohanga Reo National Trust’ e tau fakailoaaga ke mailoga mo e iloa ko e tau ‘kaiako’, tau mamatua mo e tau magafaoa kua iloa (malolō e tau loto ke moua) e tau puhala lagomatai akomena.• Fakatau tālaga fakalataha mo ‘Te Kohanga Reo National Trust’ e tau puhala ke ati hake e tau koloa fakaako mo e tau ati hake akomena fakapulotu ma e	Ianuali 2020 ki a Tesemo 2025
	Ianuali ki a Tesemo 2019

To tauteute e tautolu e...	Fafatiaga he tau magaaho
tau tagata gahua, magafaoa mo e tau faiaoga ke foaki e tau lagomatai lafi ki luga ke lata ma e tau fānau.	
<ul style="list-style-type: none"> • Mailoga e tau vahega lagomatai, tau fioaga mo e lahi he tau gahua ke taute aki e tau lagomatai vave ke he tau fānau mo e fakakite mo efakagahua e ha fakaholoaga ati hake kua maeke ke taute po ke tau gahua foou ne ligi lata ke moua, <i>[muitua ke he tau tipefafati]</i>. • Fakatolomaki ki mua e matutakiaga mo e Potaaga Faahi Malolō Tino, Faahi Gahua Lagomatai ke he tau Tagata (MSD), Oranga Tamariki, mo e falu a matakau gahua auloa tuga e tau matakau nei: <ul style="list-style-type: none"> ○ Gahua auloa mo e Potaaga Faahi Gahua Malolō Tino ke fakatokatoka e tau puhala lagomatai fakalaualahi mo e holo mitaki ke taute e tau gahua fakalataha ke he puhala foou he kautaha 'MidCentral DHB (Mana Whaikaha) ○ Fakakite e falu a hikiagafafatiaga ke fakaholo ki mua e fakaholoaga mafola he tau lagomataiaga mo e tau gahua. 	Mai he tau 2020 Januali 2019 ki a Tesemo 2020

Fatifatiaga 4: Fakalaulahi e tau lagomatai ma lautolu e tau fānau mo e tau fuata mui fai matematekelea

Ko e kupu ‘neurodiversity’ kua fakaoga fakalaulahi ke lauia a lautolu (ka e nākai fakapūkilu ki a lautolu nei nī hokoia) he – ‘dyslexia, dyspraxia, dyscalculia, dysgraphia, autism spectrum disorder, foetal alcohol spectrum disorder, attention deficit/hyperactivity disorder, trauma related disorders’, pihia foki mo e tau logonaaga, po ke tau lekua ke he tau mata. Ko e falu talahauaga nei kua nākai mukamuka hā kua loga e tau vahega manako ke tau fakakanoaga laulahi mo e mamafa ti maeke foki ke fakaauatu e vihu kaeke kua ua e lekua he tama ti uka lahi ke fakahagahaaga mitaki ha lautolu a tau manako. Ko lautolu e tau fānau ne putoia ke he fakavahega ‘neurodiverse’ kua kehe lahi e tau puhala ne maeke i a lautolu ke fakakano e tau talahauaga mai he falu ti ko e mena ia ko e takatakai pokō aoga agamau mo e puhala fakaako kua maeke ke fakauka ke he tau akomena.

Ko e hagaoaaga he fatifatiaga nai ke tālaga e maamaaga mo e fāhiaaga he tau aoga fakamahani ‘me ngā kōhangā reo’, tau aoga mo e kura ke fakaako ki a lautolu e tau fānau mo e tau fuata mui ‘neurodiverse’ ke he tau puhala kua fakatatau atu ke he tau fakaholo ki mua he ha lautolu a tau akomena ke he hokulo mo e mafiti kua lata tonu.

Tokologa he tau fānau ‘neurodiverse’ nākai hokotia ke he Matagahua Fakakoloa Hololoa ‘Ongoing Resource Scheme’, ka e manako lahi ke he tau faiaoga mo e falu tagata fakaako kua tokoluga e tau lotomatala mo e fai lagomatai fakapulotu ke fakahagahaaga mitaki ha lautolu a tau manako i loto he tau pokō aoga. Ko ehagaoaaga nai kua tonuhia ke fai hā kua tokologa ha lautolu nai fakamua ne nākai maeke ke kitia po ke kitia tuai ke maeke ke taute e puhala he tau faiaoga mo e tau tagata fakaako ke taute po ke maeke a lautolu ke moua e tau logomatai hako.

Ko e heigoa e kakano he fatifatiaga nei?

Ko e kumikumiaga he Komiti Fififli ke moua e tau puhala lagomatai atu ki a lautolu ne lauia ke he tau gagao ‘Dyslexia’, ‘Dyspraxia’ mo e ‘Autism Spectrum Disorders’ ki loto he tau aoga fānau ikiiki mo e tau aoga tokoluga, ke fakalaulahi e tau vahega lagomataiaga mo e tau gahua ke lata mo lautolu e tau fānau mo e tau fuata mui kua ukiuki, pihia foki ke he tau lagomatai ma e tau mamatua mo e tau magafaoa, ne kua nākai fakatautonu fakamitaki ha lautolu a tau manako mo e tū hagahaga keleā neke nākai fia liliu atu he tau aoga.

Ko e tau fakamooliaga mai Niu Silani mo e falu a motu kehe, malikitī hake e tau akomena mo e tau fua tupuolamoui he tau fānau mo e tau fuata mui oti fakalataha mo lautolu kua manako mo e tau malolo loga kua moua mitaki kaeke:

- kaeke kua mitaki e tau puhala akomena mo e fakaako he tau fakaakoaga fakamahani - ‘me ngā kōhangā reo, tau aoga mo e kura kua fiafia ke he tau fānau mo e fakatokatoka mo e fakagahua ha lautolu a tau akomena mo e tau momoui tupuolamoui ke moua e tau fakaakoaga kua lagomatai fakalaulahi ki ai

- Maeke he tau fakaakoaga ke fakaaoaga e kehekeheaga he tau fānau mo e tau fuata mui ha lautolu ko e taha koloa ke fakaholo ki mua e tau fakaako ke gahua fakalataha mo e magafaoa
- Ko e tau aoga fakamahani - me ngā kōhangā reo, tau aoga mo e kura, kua maeke ke kitia e tau holoaga kua lata he akomena mo e mailoga e magaaho kua lata e tama po ke fuata mui ke moua taha lagomatai fakapulotu foki
- Ko lautolu e tau tagata fakaako kua maeke ke moua e tau puhala lagomatai mai he tau pulotu mo e tau fakahologa kehe kaeke kua manako ki ai.

To gahua fakalataha e Potaaga Faahi Fakaako mo lautolu e tau tagata fakaako, pihia mo lautolu kua gahua ki a lautolu kua nākai katoatoa e tau malolō, tau matua, tau magafaoa, tau tagata Mauli, tau fānau mo e tau pulotu, kaeke kua fai tupe, ke tālaga e tau koloa foou ma e tau faiaoga moe falu a tagata fakaako foki, ke tālaga e tau lagomatai foou ma e tau fānau mo e tau fuata mui mo e fakahagahaga mitaki e tau mena kua tōtua ai e tau gahua fakapulotu.

Ko e laulahi he tau lagomatai ma lautolu ne fakavahega i lalo hifo he veveheaga'neurodiversity' to ō tatai ke he laulahi he tau magaaho. Pete kua pihia, to ha ha i ai foki e falu magaaho ke onoono ke he tau puhala foou mo e falu mena foki ne maeke ke fakagahua atu fakamahino nī ke he tau fānau mo e ha lautolu a tau manako. To fakatoka foki he Potaaga Faahi Gahua e falu a holoaga gahua fakamahino ma e tau manako takitaha: fakatai ke he'dyslexia', 'autism spectrum disorder', pihia foki mo e 'foetal alcohol spectrum disorder'- ko e taha lekua kua leveki ki lalo hifo he matakau 'Fakaholoaga Gahua Foetal Alcohol Spectrum Disorder'.

Ko e gahua hagao ke he 'dyslexia'to fakatumau nī ke moua e tau fakailoaaga hagao ke he tau gagao 'dyslexia', mo e atihake e tau tagata fakaako ke mukamuka i a lautolu ke fakaako atu ke he tau fānau 'dyslexia', mo e kumi lagomatai fakapulotu ki a lautolu he magaaho kua lata.

Ko e gahua ke lata mo lautolu he 'autism spectrum disorder' to lauia foki:

- Kitekite fakamakutu ke he tau manako tupuolamoui he tau fānau mo e tau fuata mui kua lauia he autism spectrum
- E tau kumikumi ke moua e tau puhala foou ke fakamalolō aki e tau gahua ha lautolu mo e tau paleko ki loto he tau puhala fakaako mo e kitia e tau puhala kehekehe kua fakavahega tokolalo, vahāloto, mo e tokoluga
- ati hake e maamaaga he tau faiaoga hagao ke he ha lautolu a tau manako mo e tau puhala akomema kua manako a lautolu ki ai.

To fakamakamaka e Potaaga Faahi Gahua ke mailoga he Fakatokatokaaga Kau Gahua Fakaako ko e maeke fēfē he tau fakaakoaga fakamua he tau faiaoga mo e tau akomena fakapulotu mo e tau ati hakeaga ke fakamalolō e tau lotomatala he tau faiaoga ke lagomatai e holoaga, fakalatahaaga

mo e kautūaga he tau fānau akomena fai matematekelea ke he tau tino. Ha ko e mahuiga he tau puhala fakaako, ko e gahua nei kua fakalaulahi ke he tau puhala ne kua fakatutala ke he Vala 3 he tau lagomatai ke he tau faiaoga.

Ko e ha kua mahuiga ai efafatiaga nei mo e maeke fēfē ke lagomatai atu ke he tau fānau ‘neurodiverse’?

Ko e tau fānau mo e tau fuata mui ‘neurodiverse’, ke holo ki mua e tau gahua kua lata e tau faiaoga mo e tau tagata gahua kua maama ha lautolu a tau manako, tau lagomatai kua gahua ma lautolu mo e hā e fē e tau puhala ke moua tokoluga e tau kautū. Liga lata e tau fānau mo e tau fuata mui ‘neurodiverse’ ke moua hololoa e tau lagomatai ka e nākai fakamahao ke he tau puhala kū mo e loga lahi. Ha ne fā e gahua foki a mautolu mo e muitua ke he tau talahauaga kua lata ke moua loga e tau vahega lagomatai kehekehe ma e tau fānau mo e tau fuata mui kua tokolalo po ke latalata mai e tau manako mo e nākai tonuhia ke he tau lagomatai mo e fakakoloaaga, fakalataha mo e Matagahua Fakakoloa Hololoa.

Ke mailoga kua moua tuai he tau fānau mo e tau fuata mui e tau lagomatai kua lata a lautolu ke moua, mo e ke he ha lautolu a tau fakaakoaga kua fakahagao ke tukutuku hifo e tau lekua leva ne maeke ke fakatauhele ke he tau momoui tupuolamoui. Ko e tau lekua nei putoia ai e uta kehe mai mo e aoga, tau fānau fuata mahani kolokolovao, fai lekua manamanatuagaa malolō tino mo e taufetului mo e tau hikiaga he tau papahi fakaako mo e tau tauteaga.

Tau kitekiteaga ke fakalaulahi e fakagahuaaga he tau gahua mo e tau leveki ma e tau fānau mo e tau fuata mui ‘neurodiverse’.

Kua mahuiga lahi ke onoono fakamakutu ke he kehekeheaga he tau fānau akomena ‘neurodiverse’ mo e kua putoia a lautolu ke he tau lagomatai kua taute. Mua atu ki a lautolu e tau fānau mo e tau fuata ne tokolalo mo e latalata e tau manako kua fakatautonu ha lautolu a tau manako ke he tau pokoaoga mo e falu a tauteaga akomena.

Ko e tau fakaakoaga fakakehekehe kua mua atu e mitaki ke lata mo lautolu e tau fānau mo e tau fuata mui ‘neurodiverse’. To maeke a lautolu e tau faiaoga mo e tau tagata fakaako ke moua mai he tau Takitaki Lagomatai Akomena (kaeke kua fai) mo lagomatai ke moua e tau akomena fakapulotu mo e ati hakeaga, mo e maeke ke kumi atu ke he falu a pulotu kaeke kua manako ki ai.

“Ko e tau fānau mo e tau fuata mui nākai katoatoa e tau malolō mo e fai manako lafi ki luga, ko e taha vala haia he kehekeheaga he tau momoui tagata. Ko e tau fānau nei ko e taha vala a ia ha tautolu.” — ko e tau talahauaga mai he Teaching Council of Aotearoa New Zealand

Tau matapatu gahua mo e fatifatiaga he tau magaaho

To tauteute e tautolu e...	Fatifatiaga he tau magaaho
<p>Talaga e tau fakaholoaga gahua mo e tau koloa lagomatai ke maeke he tau faiaoga mo e tau tagata fakaako mo e tau mamatua mo e tau magafaoa ke fakaako atu kia lautolu e tau fānau 'neurodiverse' (lafi ki luga he tau mena kua taute).</p> <ul style="list-style-type: none"> • Fakafoou e tau koloa tuai: tau koloa ma lautolu ne 'dyslexia' hataki ke he tau puhala fakaako he tau fānau 'neurodiverse,' fakatolomaki e tau puhala mitaki. • Gahua fakalataha mo e faahi fakaako tau pulotu fakaako mo e tau mamatua ke mailoga e tau fakaholoaga gahua mo e tau kua lata, pihia foci ma e fakalaulahi he tau koloa foou. • Tālaga fakalaulahi e tau koloa lagomatai <i>[muitua ke he tau tipe fafati]</i>. 	Iulai 2019 kia Iulai 2020
<p>Fakamalolō e tau lagomatai fakamahino kia lautolu e tau fānau ne manako ke fakatumau e tau lagomatai ka nakai hokotia ke he tau fatifatiaga pihia foki mo e 'Ongoing Resource Scheme':</p> <ul style="list-style-type: none"> • Fakatautauteute mo e taha matakau (lau e tau fānau mo e tagata fuata, tau mamatua, tau Maoli, tau faiaoga mo e falu tau tagata fakaako) fakalaulahi ke he tau pulotu lagomatai, mo e ati hake he tau fakaaloaga kua fita he taute <i>[muitua ke he tau tipe fafati]</i>. • Fakaholo fakapapahi e gahua ke fakaaoga e tau lagomatai mo e tau fakaholoaga fakaapulotu <i>[muitua ke he tau tipe fafati]</i>. 	Me ki a Tesemo 2020 Iulai 2020 ki a Tesemo 2022
<p>Ko e tau faiaoga lagomatai ke lata mo lautolu ne fakaako atu ke he tau fānau mo e tau fuata mui 'dyslexia' po ke fakatumau ke kumi lagomatai ke he tau manako totou mo e tohitohi:</p> <ul style="list-style-type: none"> • Tālagae tau puhala fakatolomaki ki mua mo e tau Faiaoga Lagomatai (Resource Teacher): Ko e Matagahua Totou mo e Tohitohi ke lagomatai e tau faiaoga he tau fānau mo e tau fuata mui kua lolelole ke he totou mo e tohitohi. • Fakagahuae tau fakaholoaga kua talia ki ai ke lata mo e tau Faiaoga Lagomatai (Resource Teachers): Matagahua Totou mo e Tohitohi <i>[muitua ke he tau tipe fafati]</i>. 	Iuni ki a Tesemo 2020 Iulai 2021 ki a Iuni 2022
<ul style="list-style-type: none"> • Liu kitekite ke he tau hokotaki ma e tau fānau mo e tau fuata mui kua tokoluga e tau manako lagomatai, fakalataha foki mo e 'tau Gahua Hololoa he Matagahua Fakakoloa (Resourcing Scheme)', ke maeke ke moua e tau lagomatai ma e tau fānau mo e tau fuata mui, mo e fakaholo e tau amaamanakiaga. • Fakagahuae tau hikihikiag mai he tau liu kitekiteaga <i>[muitua ke he tau tipe fafati]</i>. 	Ianuali 2021 ki a Tesemo 2022 Ianuali 2023 ki a Tesemo 2025

Fafatiaga 5: Fakatautonu e tau manako akomena he tau fānau mo e tau fuata mui mahomo atu e tau lotomatala

Uka e kakano eh tama akomena mahomo atu e lotomatala ti uka foki e maamaaga mo e kakano he tau kupu nai he halaloga mo e vihu ti putoia ai e loga e tau vahegea lotomatala. Muitua ke he tau talahauaaga mai he falu a motu, kua fuafua ko e hoko atu ke he 40,000 he tau fānau akomena ki loto he ha tautolu a tau fakaakoaga kua talahau kua mahomo atu e tau lotomatala.

Nākai tatai e tau holoaga he tokologa he tau fānau mo e tau fuata mui kua mahomo atu e tau lotomatala mo e ha lautolu a tau atu ti maeke foki ke kehekehe ha lautolu a tau manamanatuaga, tau lotomatala mo e tau tupuaga he tau tino. Maeke he tau mena nai ke holo ki mua e agaaga kua kehe mo e nākai lau mo e tokologa. Falu ha lautolu nai kua moua he tau fakaatukehe mo e tupetupe po ke teva, mahani ita mo e nofo tokotaha. Ko e fakahikuaga, to lauia foki e tau momoui ha lautolu ke he tau fakakiteaga lolelole, mo e nākai tupuolamoui mo e nākai fia manako ke oatu he tau aoga.

Kua mua atu e mahuiga ke mailoga e tau kehekeheaga ha lautolu nai, mo e tau lagomatai atu ki ai. Nākai mukamuka e tūaga nai ti nākai pehē e mena ia kua mukamuka e tau akomena oti ke he tau vahega tama mo e tau fuata mui pehē nai.

Kehekehe foki e tau fakakanoaga he mahomo atu e lotomatala ke he tau agamotu kehekehe. Fakatai pehē, ko e hauaga he manatu mahomo atu e lotomatala he Faka-Mauli, putoia ai e auloa mo e tau tagata ti fakavē ke he kaupapa Mauli. Kua lata ke fai tauteaga pauaki ke aua neke fai i a lautolu nei kua tōtua po ke toe hā ko e tau aga fakamotu.

Ko e heigoa e kakano hefafatiaga nei...?

Ha ne gahua e Potaaga Faahi Gahuamo lautolu e tau pulotu ke tālaga e tau puhala lagomatai fakalaulahi ma lautolu e tau fānau kua mahomo atu e tau lotomatala.

Ko e gahua nai foki ke taute e avanoa he magaaho nai ke lagomatai mo e moua e tau koloa foou ma e tau tagata fakaako, tau magafaoa mo e tau fānau. Lauia ai foki e tau puhala ke maeke ke taute e tau koloa mo e pota e tau talahauaga ke he tau puhala mahomo atu ke kitia aki e mahomo atu he lotomatala mo e vetevete e tau manako lagomatai fakapulotu mai he tau pulotu mo e tau fakamooliaga ke he tau mena kua gahua ke tālaga aki e tau lagomatai fakamotu, tau fakaholoaga gahua, tau fakaakoaga mo e tau koloa.

Ko e hā ne mahuiga ai e fafatiaga nai mo e maeke fēfē ke lagomatai atu ki a lautolu kua mahomo atu e tau lotomatala

Ka nakai mailoga ha lautolu a tau manako, to nakai maeke a lautolu nei ke fakatolomaki foki ha lautolu a tau iloilo, ti maeke foki ke fakalolelole ha lautolu a tau talahauaga, tau loto manamanatu mo e tau puhala fehagai mo e falu mo e moui tupuolamoui. Manako lahi a mautolu

ke kitia kua maeke he tau fānau nai ke moua e tau vahega akomena kua paleko ki a lautolu ke moua e kautū.

Ko e taha pulega foki ke fakalaulahi e tau puhala akomena ki a lautolu e tau fānau mo e tau fuata mui kua mahomo atu e tau lotomatala, foaki atu fakaloga e tau lagomatai ke he tau tagata fakaako, tau magafaoa mo e fakatolomaki e akomena mo e tupuolamoui he tau fānau fakaako nai.

Nākai nī ke fakamahuiga ke fakahagahaga mitaki ha lautolu a tau manako ke he tau vahega, fakamahuigafoki e lautolu nai e tau magaaho ke matutaki mo e fakafehagai mo e falu a fānau tuga a lautolu. To fakalaulahi e tau puhala ke he ‘Taha e Aho Aoga’ (One Day School) mo e tau puhala ke fakaaoga e tau lākau hila, mo e tālaga mo e fakatātā e tau gahua mo e fakatū e tau palepale ma lautolu e tau fānau mo e tau fuata mui mahomo atu e tau lotomatala.

Onoono ke he tau puhala fakalaulahi mo e fakagahua e tau lagomatai ma lautolu e tau fānau mo e tau fuata mui kua mahomo atu e tau lotomatala

Magaaho ka mailoga ai, kua lata ke ke leveki mo e fakatupu fakalaulahi e tau lotomatala pehē nai mo e ke o tatai mo e falu a fakaakoaga putoia ai e tau puhala fehagai mo e tau tagata, pihia mo e tau aga fakatagata.

Ko e tau lotomatala mahomo atu nai kua fai matutakaga lahi atu ke he tau aga fakamotu ne kua lata he tau fakaakoaga ke lagomatai atu ki ai. Ko e maamaaga he tau tagata Mauli mo e Pasifika, kua mua atu e mahuiga ha lautolu a tau tupumaiaga, tau vagahau mo e tau agamotu ke fakamaama mo e fakatautonu aki e lotomatala mahomo atu.

“Manatu au kua lata ke fai fakatokaaga pauaki ma e tau malolō manamanatuaga he tau fānau kua mahomo atu e tau lotomatala he laulahi ha lautolu kua mamafa lahi e tau manamanatuaga ti ko e mena ia to ligi mukamuka a lautolu ke moua e tau fakaatukehe po ke tau loto tupetupe.”

— tau talahauaga mai he tama aoga tokoluga

Tau matapatu gahua mo e fafatiaga he tau magaaho

To tauteute e tautolu e...	Tau magaaho
Fakalaulahi e mouaaga he tauvlagomatai ma e tau fānau mo e tau fuata mui mahomo atu e tau lotomatala: <ul style="list-style-type: none">• Fakagahua e lagomatai fakamua ke lata mo lautolu e tau fānau mo e tau fuata mui kua mahomo atu e tau lotomatala:<ul style="list-style-type: none">○ Fakalaulahi e tau fakaakoaga lākau hila○ Totogi vala tipe ke moua e Tau Aoga Taha e Aho Aoga (One Day Schools)○ Foaki mo e fakatolomaki e tau fakaakoaga i fafo he aoga ma e tau fānau mo e tau fuata mui kua mahomo atu e tau lotomatala	Fakamaopoopo (ianuali 2019) Fakakatoatoa (ianuali 2019) Ha ne fā e fakagahua (mai he mahina Me 2019)

To tauteute e tautolu e...	Tau magaaho
<ul style="list-style-type: none"> ○ Tute e tau fakamailoga ma e tau fānau mahomo atu e tau lotomatala ○ Fakatumauke gahuamolautolu e tau pulotu ke he tau faāau kua mahomo atu e tau lotomatala ke muitua mo e liu kitekite ke he lagomatai puha koloa ma e tama mahomo atu e lotomatala. 	Maopoopo e vala fakamua (Apelila) Hafagi ke lata mo e fufuta ke ua i a Aokuso Novema ki a Tesemo 2019
<p>Lagaki hake e tau mouaaga ke he tau lagomatai ma e tau fānau mo e tau fuata mui mahomo atu e tau lotomatala:</p> <ul style="list-style-type: none"> • Fakagahua e lagomatai puha ma e tau fānau mo e tau fuata mui mahomo atu e tau lotomatala: <ul style="list-style-type: none"> ○ Fakatū e tau palepale fakaako ke maeke he tau fānau mahomo atu e tau lotomatala ke fakaholo atu e tau fakaakoaga ○ Fakatū e tau fakaakoaga ke lagaki hake e tau lotomatala he tau faiaoga ma e tau vahega fānau nai ○ Fakalaulahi atu e tau lagomatai he magaaho nai ma e tau fakaakoaga aoga fakamahani (fakalataha mo e matutakiaga ke he aoga he tau fānau ikiiki) ○ Malikiti hake e atāina ke he Taha e Aho Aoga (One Day Schools) po ke ha aoga tata atu mo e fakakite e tau puhala fakaako mai he tau koloa hila kaeke kua nākai fai fakahologa pehē nai e tau aoga ○ matutaki atu ke gahua fakalataha mo e tau pulotu lotomatala mahomo atu ke muitua mo e liu kitekite ke he tau lagomatai puha akomena lotomatala mahomo atu. 	Novema 2019 ki a Tesemo 2010 Mai i a Iulai 2019 Mai i a Ianuali 2020 Mai Ianuali 2020 Hololoa

Fafatiaga 6: Fakatolomaki e tau fakaakoaga ma e tau fānau mo e tau fuata mui kua mukamuka ke ō kehe mai mo e tau aoga

Tau fānau mo e tau fuata mui tū hagahaga kelea kua lauia foki a lautolu ne kua mafiti ke ō kehe po ke kua fitā he ō kehe mai mo e tau aoga. Loga e tau kakano ati tupu mai e tau lekua pehē nai. Fā lā e kakano: nākai lagomatai he tau aoga ke he tau mena tuga kua ekefakalea fakaagamotu mo e fili tagata, nākai tūtū mitaki e tau magafaoa ne hau ai, kua matakutakuhe nākai mitaki e tau momoui i fafo he aoga, mo e falu a lekua fakatagata. Tau lekua fakatagata putoia ai e mahani fakatagata, malolō katoa he manamanatuaga, tau lekua fakaako nākai maeke ke kitia, tino malolō mo e nākai katoatoa e malolō.

Ko e laulahi he tau tagata Mauli kua fakaako, ko e tau puhala ke iloa he tama e haana a tupumaiaga mo e vagahau, kua mua atu he mauiga ke he matutakiaga ke he tau fakaakoaga.

Ko e gahua nai to maeke ke fakailoa mai e tau fua puna mai he taha fonoaga ne fakahigoa ko e Alternative Education (22 Fepuali 2019) mo e laulahi he ‘Kōrero Mātauranga Education Conversation’.

Ko e heigoa e fafatiaga nai?

Ko e tau fakakiteaga nai ke lata ma e tau fānau mo e tau fuata mui kua toka ha lautolu a tau fakaakoaga. Ko e tau fānau nei to nakai mukamuka ke fakafetui auloa mo e falu, mafiti ke lolelole e tau manamanatuaga, po ke nākai mitaki e tau loto manamanatu.

Manako lahi a mautolu ke puipui e tau fānau mo e tau fuata ke ua tiaki e tau fakaakoaga ke he ha magaaho he ha lautolu a tau momoui fakaako, fakaholo ki mua e tau fakavēaga lekua fakaako (tuga e falu a fakaakoaga foki mo e tau matakavi gahua) ki a lautolu kua lata ke moua e tau lagomatai nai, mo e mailoga kua fai lagomatai mitaki atu ma e tau fānau mo e tau fuata mui ke liu matutaki ke he tau fakaakoaga.

Fakamalolō e tau kumikumi mo e kitia tuai e tau manako akomena lalafi ki luga ke lagomatai ke mailoga e tau akomena hagauka ke tupu mai e ō kehe mo e tau fakaakoaga. Kaeke ke foaki fakamua e tau lagomatai ki a lautolu nei to maeke ke kitia kua fai kehe ha lautolu a tau mahani mo e fia manako ke fakaako.

Ko e ha ne mahuiga ai e fafatiaga nei, mo e lagomatai fēfē ki a lautolu e tau fānau mo e tau fuata mui kua mukamuka ke tiaki e tau fakaakoaga?

Ko e tau fānau oti, pete kua kehekehe ha lautolu a tau lekua, kua tonuhia a lautolu ke moua e tau fakaakoaga mitaki ke tuga nī ha lautolu a tau atu. Kaeke kua foaki tuai e tau lagomatai ki a lautolu, tuga ne fakakite ke he taha vala he tau Fakaholoaga Gahua (Action Plan), to maeke ke uta kehe e falu mena ne kitia kua fakatauhele atu ke he tau fānau mo e tau fuata mui ke hoko atu ke nākai oatu he tau aoga.

To hā i ai e falu a fānau mo e tau fuata mui kua manako lagomatai lalafi atu agaia ke liu matutaki po ke fakatumau ke matutaki ke he tau fakaakoaga. To fakagahua he Potaaga Faahi Gahua ke fakaholo ki mua e tau fakaakoaga ma e tau fānau mo e tau fuata mui kua ligaliga ke tiaki e tau fakaakoaga ke he tau lagomatai lalafi ki luga ke he aoga katoa. To kitekite foki e Potaaga Faahi Gahua ke he tau puhala ke malikiti hake e oatu ke he tau aoga, mo e liu kitekite ke he tau fakavēaga fakaokioki fakakū mo e fakaoti mai e falu he tau aoga.

Tau kitekiteaga foki ke fakagahua fakalaulahi e tau lagomatai ki a lautolu e tau fānau mo e tau fuata mui ne mukamuka ke ō kehe mai mo e tau aoga

Mailoga foki e mahuiga he moui malolō katoa he tama pihia ke fakalaulahi e tau puhala fakaako, lagomatai ke he tau aga mo etau mahani, tau puhala uta fekau, moua lagomatai ke lata mo e tau hikihikiaga mo e kitia tuai e tau lekua. Falu puhala tuga e tau puhala ke finatu ai e tama ke he aoga.

Kua mahuiga e tau fakatokaaga gahua mo e tau puhala ke fakagahua ki ai kua lata mo lautolu e tau Mauli mo e tau tagata Pasifika, tau fānau mo e tau fuata mui, tau magafaoa ke fakamatutaki atu ha lautolu a tau fakaakoaga ke ō tatai mo e laulahi he falu tagata. To fakaaoga fakalahi foki he Faahi Fakaako a lautolu e tau magafaoa ke lagomatai atu ke he tau fānau mo e tau fuata mui kua lata ke fakamahino ki ai.

Fakalaulahi e tau lagomatai ma e tau fānau mo e tau fuata mui Mauli mo e fakaaoga foki e tau pulotu Mauli ke fakatokatoka e tau puhala ke gahua ki ai, mo e fakagahua e tau fakaholoaga ne putoia ki ai e tau tonuhia he tama ke he tau aga fakamotu, tau vagahau mo e malolō katoa i loto he tau puhala faka-Mauli.

“[Falu faāau Mauli] ne pehē kua nākai fia manako a lautolu ke oatu he tau aoga hākua nākai kitia e lautolu ha mena mitaki ne moua mai ke lata mo lautolu, kua lahi foki e tau talahauaga ko e tau tagata nonofo gati, tokolalo e tau malolō gahua, kehe e tau aga mo e tau mahani, pihia foki mo e tau vagahau”.

Tau matapatu gahua mo e fafatiaga he tau magaaho

To tauteute e tautolu e...	Ttau magaaho
<p>Fakalaulahi e tau puhala lagomatai ki a lautolu e tau fānau mo e tau fuata mui ne kua mukamuka ke toka e tau fakaakoaga.</p> <ul style="list-style-type: none"> • Liu kitekite ke he tau puhala gahua mo e fakatatai atu ke he tau motu i fafo i Niu Silani. 	Fepuali ki a Iulai 2019
<ul style="list-style-type: none"> • Fakatau tauteute mo e tau faiaoaa mo e falu a tagata fakaako, tau fānau kua mukamuka ke ō kehe mai he tau fakaakoaga, Mauli, tau tagata Pasifika, tau magafaoa mo e laulahi he tau maagake moua e tau puhala fakalaulahi ne kua mitaki ke lagomatai fakamahino ke he tau fānau mo e tau aoga ne oatu a lautolu ki ai. 	Fepuali ki a Oketopa 2019

<ul style="list-style-type: none"> Fakagahuae tau puhala foouke fakatoka e tau fakaholoaga, putoia ai foki mo e tau fakamauaga gahua [<i>muitua ke he tau tupefafati</i>]. 	Iulai 2020 ki a Ianuali 2021
Liu kitekitee tau magaahoka liu kitekite e tau fānau mo e taofi ai liu ke he aoga, tau puhala ne fakaoga he aoga.	Fepualii ki a Iulai 2020

Fakagahua e tau fafatiaga ne ono

Ko e tau fafatiaga nei to lauia e tau fifiliaga mo lautolu he faahi fakaako, tau tagata gahua ke he tau malolō matematekelea, tau mamatua mo e tau magafaoa, pihia mo e tau puhala gahua auloa po ke fakatau gahua fakalataha. Ko e manako he fafatiaga nei ke tālaga e tau fakahologa ne maeke ke hiki e tau puhala gahua ke gahua tuai ke he tau manako ke lagomatai. Ko e fafatiaga nei kua lata ke maopoopo muitua ke he tau tūpefafati, mo e gahua fakapapahi ke tau magaaho kua fakatoka. To liu kitekite ki ai ke he taha vala he Potaaga Faahi Gahua ne maeke ke lagomatai atu ke he tau puhala fakatokatoka gahua.

To gahua foki e Potaaga Faahi Gahua mo lautolu e ne manako ke gahua auloa ke he tau vala kehekehe he gahua nai. Gahua auloa mo e tau Mauli ke maeke ke kitia kua hokotia e tau lagomatai fakaako ke he tau manako he tau Mauli. Fakatautonu atu ke he tau Mauli i lalo hifo he magafaoa mo e fakalilifu mo e ati hake ke he tupumaiaga, agamotu mo e vagahau he tagata Mauli akomena, kua mahuiga lahi ke he gahua nei.

VEVEHEAGA 3: Tau gahua lagomatai

Ko e vala nei kua fakatoka mo e fakamahuiga e falu a gahua ke lagomatai e tau fafatiaga fakaholo ki mua ke he lagomatai akomena. Tau talahauaga ne moua mai he Fakaholoaga Gahua Lagomatai Akomena mo e Matematekelea kua fakakite e falu a gahua ke fai kehe lahi ke he holoaga mitaki ma e tau tauteaga fakamua.

Ati hake e tau iloilo ke he tonuhia ke fakamau tohi mo e moua e tau fakaakoaga

To gahua fakalataha a mautolu mo e faahi fakaako, faahi he tau tagata nākai katoatoa e tau malolō tino mo e tau matakau he tau mamatua, ke mailoga ko e tau matakau pule gahua mo e tau takitaki he tau aoga ke tālaga e tau lotomtala mo e tau maamaaga ke he tau tonuhia he tau fānau mo e tau fuata mui oti ke fakamau tohi mo e moua e tau fakaakoaga mai he tau aoga ha lautolu.

Ati hake e tau loto malolō mo e mo e tau malolō gahua he tau faiaoga

Manako a mautolu ke foaki e tau lagomatai, pihia mo e tau fakaakoaga mo e tau koloa gahua kua manako ki ai e tau takitaki mo e tau faiaoga ke he tau faahi fakaako oti ke maeke a lautolu ke kitia mitaki e tau manako he tau fānau mo e tau fuata mui oti, ke maeke i a lautolu ke malolō e tau loto mo e mau amaamanaki ke fakatautonu atu ki a lautolu.

Ha mautolu a Fakavēaga, Ha mautolu a Tau Foliaga: Ko e fakavēaga ma e Tau Gahua mo e tau Foliaga he Gahua Faiaoga ‘Code of Professional Responsibility and Standards for the Teaching Profession’ kua fakamahino e tūaga he faiaoga i Aotearoa, Niu Silani mo e keblata ma e tau faiaoga oti pete kua kehekehe e tau takatakai fakaako. Kua manako ke he tau faiaoga oti ke fakatautonu e tau manako he Mauli mo lautolu e tau fānau mo e tau fuata mui kua kehekehe e tau tupumaiaga mo e tau vagahau pihia foki mo lautolu kua matematekelea e tau malolō tino po ke fai manako lagomatai fakaako lalafi atu ki luga.

Fakamahino fakalahi foki ke he tau fakaakoaga pulotu ke lata mo e tau faiaoga ke fakalaulahi aki ha lautolu a tau puhala fakaako mo e lagomatai ke fakaako atu ke he tau fānau mo e tau fuata mui kua fai manako lagomatai, ka e lagaki hake e puhala fakaako fakalataha auloa ma e tau fānau oti. Kua maeke foki he kau gahua loto malolō mo e lotomatala ke tukutuku hifo e tau manako lagomatai ma e tau fakaakoaga fakamahino , mua atu ma lautolu e tau fānau mo e tau fuata mui kua tokolalo mo e latalata e tau manako ka ko e puhala mitaki ko e fakaakoaga pipiki atu.

To gahua fakatata atu e Potaaga Faahi Gahua mo lautolu he Matakau Faiaoga ha Aotearoa Niu Silani ‘Teaching Council of Aotearoa New Zealand’ ke moua e tau puhala mahuiga ke lagomatai atu ki a lautolu e tau faiaoga mo e tau takitaki.

To kumikumi mo e uta kehe e mautolu e tau mena kua pāia ai e tau ati hakeaga fakapulotu mo e falu a fakaakoaga atu ke lata ma e tau faiaoga Fakaako Mauli, kaiako mo e falu a tagata fakaako

foki. Ko e tau tauteaga mo e tau fakatokatokaaga he magaaho nai ke moua e tau lagomatai fakapulotu mo e tau fakamailoga kautū, nākai gahua mitaki ma e falu he tau faiaoga Mauli, kaiako mo e falu a tagata fakaako ti ko e mena ia kua fai kū e tau matakavi nai.

To kitekite atu e Potaaga Faahi Gahua ke he manako ke moua fakaloga e tau faiaoga lagomatai akomena pauaki mo e tau faiaoga pauaki kua maama mo e fakaaoga e kitiaaga he Mauli ke lagomatai aki e akomena mo e lagaki hake e nūmela tagata fakaako ‘Te Reo Maori’ mo e Vagahau Fakamailoga ha Niu Silani. To kitekite foki e Potaaga Faahi Gahua ke he falu puhala ke fakaholo ki mua e tau lotomatala he tau faiaoga lagomatai.

“To nākai maeke ke moua e tau puhala mitaki ma e tau fānau mo e tau fuata mui kua fai manako lagomatai, a to moua he tau faiaoga e tau fakaakoaga mo e tau ati hake fakapulotu.”

— tau talahauaga mai he tau matua mahuiga (Very Important Parents)

“Uho e tau mena oti, ka ko e tau aoga ainei ne kua lali fakalahi ke fakakite, kumikumi, mo e ole lagomatai ma e akomena kehe lahi hā kua tokolalo lahi e tau lagomatai ma e tau faiaoga ke lata ma e gahua nai.” — tau talahauaga mai he taha matua mo e tau matakau pule gahua

Malolō tupuolamoui

Ko e tau talahauaga kua fakakite ko e tau aoga fakamahani ‘me ngā kōhanga reo’, tau aoaga mo e kura kua manako lahi atu ke moua aki e tau takatakai akomena mitaki ke maeke ke fakatolomaki atu e tau malolō tupuolamoui mo e fakauka he tau fānau mo e tau fuata mui. Kua ati hake he Potaaga Faahi Gahua e tau fakaholoaga tupuolamoui, tuga e Tau Mahani Kua Lata ma e Akomena ‘Positive Behaviour for Learning’, ke maeke ke fakaaoga e tau lagomatai maopoopo, fematutakiaki ke fakahagahaga mitaki aki e moui tupuolamoui, puipui e mahani hemu mo e malolō manamanatuaga. Ko e tau lagomatai nai to kitia kua ō tatai mo e tau kitiaaga mo e moui tupuolamoui he tau Mauli, mo e fakatautonu e tau lekua ke he tūaga tupuolamoui he Mauli ki lo to he tau fakaakoaga.

“Ko e uho e malolō tupuolamoui ti kua lata nī ke gahua ki ai fakamafiti ko e matapatu mahuiga. Kua lata a tautolu ke moua e puhala he lalolagi ke tālaga fakamalolō e moui tupuolamoui ke iloa he tau fānau e ha lautolu a tau lotomatala manamanatuaga mo e fakafetui. Ko e malolō tupuolamoui kua lata ke nākai taumaleku e tau amanakiaga ke moua mai e tau fakaakoaga fakalataha auloa.” — tau talahauaga mai he Faiaoga Lagomatai: Akomena mo e Mahani

Fakalaulahi e mouaga he tau numela mo e tufatufa he tau talahauaga

Nākai pota mo e fakamaopoopo he Potaaga Faahi Gahua ha matanumela hagaaō ke he tau fānau mo e tau fuata mui kua fai lagamotai fakaako lafi ki luga. Ko e mena ia ne kua uka ke iloa mahino po ke lahi fēfē e manako ke he tau lagomatai akomena, ti nākai fakamooli e tau fakaholoaga mo e tau fifiliaga fakamatanumela. Kua lata ke moua e taha puhala ke fakamaopoopo aki e tau

talahuaga hagao ke he tau fakaakoaga he tama fakaako mo e kitia foki e fakatino laulahi ke he tau puhala lagomatai fakaako ma e tau fānau mo e tau fuata mui.

Ko e magaaho nai, ko lautolu e tau fānau mo e tau fuata mui kua lata ke moua taha lagomatai akomena, kua loga e faahi gahua ke moua ki ai ha lautolu a tau talahuaga ti tupu mai ai e gahua lagaloga mo e tau lekua ke moua'. Nākai fiafia e tau aoga he uka mo e vihu e puhala ke moua aki e tau talahuaga ke he tau manako akomena he tama foou ti kua fitā he fakakite e manako ke taha puhala fetufatufaaki matanumela ke maeke he tau talahuaga he tama ke fano fakalataha mo ia mai he aoga fakamahani 'me ngā kōhangā reo' ke he aoga, taha aoga ke he taha aoga mo e taha kura ke he taha kura.

Kua manako lahi ke iloa e tau talahuaga po ke tau fānau mo e tau fuata mui fē kua lata ke moua lagomatai, tau lagomatai fēfē, tau magaaho fē mo e matakavi fē. Kua lata foki ke iloa ko e tau lagomatai fēfē ne taute, ko e tau heigoa ne gahua mo e nākai gahua. Ko e tau talahuaga nai ke fakaaoga he Potaaga Faahi Gahua ke fakaholo aki e tau lagomatai akomena kua tatai ke he motu katoa, mo e fuafua e tau fua ka moua mai he lagomatai akomena.

Hā i ai e manako laulahi ke taute e taha tokāaga matanumela pauaki ke tokā ai e tau talahuaga he motu katoa. Tokologa kua manako ke kitia kua vehevehe mo e pota fakalataha ke he vahega matematekelea ke maeke he faaahi kua lata tonu ki ai ke iloa mo e hā e fē e matapatu ke kitekite ki ai hagao ke he lagomatai akomena.

Ko e vala ke holo atu ki ai, ke fakakakano e tau maveheaga moua mo e fetufatufaaki ke puipui e tonuhia fakatagata, mo e fakaaoga e tau talahuaga nei ke he puhala kua mailoga mitaki kua moua he tau fānau mo e ha lautolu a tau magafaoa e tau lagomatai hako he tau magaaho kua lata. Kua mailoga foki he Potaaga Faahi Gahua e tau lekua ke he tau manatu fakakelea tagata mo e fakahigoa kelea mo e to fakahagahaga mitaki e lekua nai he tau magaaho i mua.

Ko e tau kitiaaga he tau fakaholoaga ua fakamua he Fakaholoaga Fetufatufaaki Talahuaga he Tama Fakaako 'Student Information Sharing Initiative' (Te Rito), kua fakatoka ke fakagahua he tau 2019, mo e fakailoa foki e tālagaaga he tauteaga talahuaga kua fakalilifu e tau tonuhia he tau fānau akomena oti.

Kua iloa ai foki ko e tau talahuaga fakatagata mo e fakamagafaoa he falu Mauli, ko e tau taoga a ia ke he tau Maulimo e to lauiafakamahao foki ke he talagaaga mo e fifiliaga manatu ko e fakaaoga fēfē ha lautolu a tau talahuaga ke lagomatai aki e tau fua ke moua mai he tau fakaakoaga he tau fānau.

"Ki a au ko e faiaoga, loga lahi e tau magaaho ne nākai moua mitaki e tau talahuaga mai he aoga ne hau ai e tama, ka ko lautolu hanei kua lata ke fai lagomatai ke he akomena mo e mahani." — talahuagamai he faiaoga

Puhala hako ke tutaki atu ke he falu

Ko e magaaho hanei ke taute e taha puhala fakatokatoka mo e fakaholo ke he matutakiaga katoatoa he fakaakoaga fakalataha mo e lagomatai akomena, haia e tau vahega tauteaga mo e lagomatai ke he matakavi mo e tau maaga takitaha. Ko e puhala nei to lauia laulahi ai e tau tagata ke fakakite e tau manako mo e fetufatufaaki e tau koloa he tau aoga, kura, tau aoga pauaki mo e matakavi, tau fakaholoaga setalate, lautolu kua fai matematekelea mo e tau koloa lagomatai akomena, mo e iloa tonu e tau vahega tauteaga ke fakafelau aki e tau manako he tau fānau mo e tau fuata mui kua lata ma e tau mamatua mo e magafaoa he tau magaaho kua manako ki ai.

Ko e tau 2019 mo e 2020, to tālaga he Potaaga Faahi Gahua e fakatokatokaaga mo e fakagahuaaga he fakaholoaga ke tuku fakalataha e lagomatai akomena ke he Fakaholoaga Tupu he Fakaakoaga ‘National Education Growth Plan’.

Kua muhuiga lahi ke tutaki atu mo e tau aoga ne fakatū fakamahino ki a lautolu ne nākai katoatoa e tau malolō tino, lauia fakalataha mo e tau lagomatai ki a lautolu kua teliga tuli. Amanaki a mautolu ke fakatumau ke lagomatai e Vagahau Fakamailoga ha Niu Silani ke he tau magafaoa kua fai tama teliga tuli, he tau aoga mo e tau tagata fakaako. To gahua foki ke fakalaulahi e tau fakaholoaga pehē nai ke hoko ke he tau matakavi ne nākai lā fai tauteaga pehē nai ma e tau fānau teliga tuli.

Ke eke ia mo taha vala he fakaholoaga ha mautolu ke fakamalolō atu ke he tau gahua fakalaulahi, to liu kitekite e Potaaga Faahi Gahua ke he tau lagomatai ne kua maeke ke moua he tau fānau ne kua tokoluga e tau manako lagomatai akomena (pihia mo e Matagahua Fakakoloa Hololoa ‘Ongoing Resourcing Scheme’ mo e taha fakaholoaga Tupe Tokoluga Tau Manako Malolō Tino he Aoga ‘School High Health Needs Fund’).

“Ko e tau puhala fakaako mooli ne maeke ke taatu fakalaulahi mo e fakatatai e tau fakaholoaga fakaako ki a lautolu kua nākai katoatoa e tau malolō tino: ko e tālagaaga he tau fale, fakatokatokaaga he vahega, tau aga mo e tau mahani pihia mo e tau ekefakakelea” — talahauaga mai he matakau ‘Disabled Persons Assembly’

Matutakiaga mo e aoga mo e tau puhala mai ki fafo he aoga

Kua kitia ke he tau hokotaki e uka he tau matutakiaga ke he tau fānau mo e tau fuata mui kua fai manako lagomatai lalafi atu. Manako a mautolu ke lagomatai fakalahi atu ki a lautolu ka matutaki mo e omai ki fafo ke tukutuku hifo e tau tupetupe ke puna mai he tau hikihikiaga ke he tau magafaoa ka nākai lagomatai fakamitaki ki ai. Lauia foki mo e tau magaaho ka hiki e aoga he tama mo e holo mai he aoga fakamahani ke he aoga fānau ikiiki, mo e holo hake he taha vahega ke he taha. Ko lautolu e tau fānau mo e tau fuata mui tuga ne kua lauia ke he ‘autism spectrum

disorder' kua lata ke moua e tau vahega fakaholoaga pauaki. Ko e tau Takitaki Lagomatai Fakaakoaga to gahua a lautolu ke lagomatai atu ke he tau hikihikaga pehē nai.

Ko e ha gahua fakamahino po ke tau lagomatai he vahāloto he aoga fakamahani mo e aoga fānau ikiiki kua maeke ke lalafi ki luga e tau tupetupe ke he tau hikiaga uka tuai ma e tau fānau mo e ha lautolu a tau magafaoa. Manako a mautolu ke taute fakamitaki e tau mena kua nākai tonu ke maeke he tau tupe mo e tau lagomatai ke nākai fai fakatauhele ki ai. Kua onoono foki e Potaaga Faahi Gahua ke taatu fēfē e tau talahauaga hagaaō ke he tama po ke fuata mui mo ia ke lagomatai aki e holo mitaki mo e hikiaga kua iloa mitaki.

Manako foki e Potaaga Faahi Gahua ke kitia ko lautolu e tau fuata mui he tau aoga tokoluga kua fai manako lagomatai, kua maeke ke moua mitaki e tau lagomatai taha ia tuga ha lautolu a tau atu he magaaho ka hiki ai ke he tau fakaakoaga tokoluga atu, tau fakaako gahua po ke gahua. Ko e lagomatai nai to ligi ke putoia; ke tālaga e tau halavaka takitokotaha ke he tau fakaakoaga tokoluga atu, foaki e tau talahauaga mo e fakafifitaki gahua, fakaholoaga ke he gahua mo e ati hake e tau matutakiga he tau aoga mo e tau matakau fakagahua tagata.

Kua manako foki e Potaaga Faahi Gahua ke taute e tau halavaka holo mitaki ke maeke he tau Mauli mo e tau tagata Pasifika tau fānau mo e tau fuata mui kua fai manako akomena lalafi ki luga ke moua ha lautolu a tau kautū katoatoa.

"Mailoga e mautolu e mahuiga he tau magaaho hikihiki he tau momoui he tau fānau mo e tau fuata mui – hikiaga mai he tau aoga fakamahani ke he tau aoga ikiiki, tau aoga ikiiki ke he tau aoga vahāloto, tau aoga vahāloto ke he tau aoga tokoluga, mo e mai he aoga ke he moui tagata lahi. Maeke e tau hikihikiaga oti ke fai lekua ti mahuiga ke pipi fakalataha e tau lagomatai fakaako kua lata ma e tau fānau mo e tau fuata mui, ke he tau magaahao hikihiki nai." — tau talahauaga mai he Barnardos

TAU TALAHAUAGA LAFI KI LUGA 1: Fakakatoatoa e kitekiteaga ke he tau manatu fakakite ke he Matutakiaga

Ko e mahina ha Sepetema 2018, ne fakakite ai e tau talahauaga fakataitai he Fakaholoaga Gahua Lagomatai Akomena mo e tau Matematekelea Tino ‘Disability and Learning Support Action Plan’ ke fakatutala ki ai Ko e ononoaga haana ko e puhala fakamalolō he lagomatai akomena kua fakamahuiga e tau fānau mo e tau fuata mui oti kua fai manako lagomatai akomena lalafi ki luga mo e lagomatai fakamalolō atu ke he ha lautolu a tau kautā, tau holoaga ki mua mo e tupuolamoui.

Ke he fakatutalaaga fakalaulahi mo e tau tagata ke he Fakaholoaga Gahua Fakataitai, ne fakaputupu he Potaaga Faahi Fakaako e tau talahauaga loga mo e hokulo mai he 893 e tau tali ke he kumikumiaga mo e tau manatu fakakite. Ko e hokotaki he Fakamaamaaga ke he tau Talahauaga, ne fakakite e tau matapatu manatu mo e tau gahua ke puna mai he tau talahauaga ia, ti pota fakalataha ke he tau vahegafafatiaga kua tohia ki loto he Fakaholoaga Gahua Fakataitai.

Ko e hanai e tau talahauga ia kua moua.

Tau mataulu putoia laulahi

Fiafia e tokologa ke he tau talahauaga ki loto he Fakaholoaga Gahua fakataitai, hā kua mailoga e puhala ke he vahega fakaakoaga auloa ke lata mo Niu Silani. Tokologa foki ne fakakite manatu lalafi ki luga ke he Fakaholoaga Gahua fakataitai ke fakahagahaga mitaki atu e tau fekau ke he tau puhala ekefakakelea ke he tau fānau matematekelea e tau tino mo e /po ke fai manako akomena lalafi atu ki luga ki loto he tau fakaakoaga.

Ko e tau manatu tupetupe ne kitia ke he tau mahani ekefakakelea mo e fakavihia ke he tau fānau mo e tau fuata mui kua fai manako lagomatai akomena lalafi ki luga kua fā mahani ke fematutakiaki. Mua atu kua kitia e tau lekua pehē nai ke he tau fānau Mauli po ke Pasifika ne kua nākai maeke ke moua e lautolu e tau lagomatai kua lata he tau magaaho nei. Ko e kitiaaga ko e Fakahologa Gahua fakataitai mo e tau fakaakoaga laulahi — kua nākai lā hokotia ia e tau fakamooliaga ke fakaholo ki mua e tau lotomatala ke moua mai mua atu ke lata ma e tau fānau Mauli ikiiki. Manako e tau tagata ke moua lahi e tau lagomatai mo e tau koloa ke he Vagahau Mauli ti kitia e Fakaholoaga Gahua fakataitai ke fakagahua aki he Potaaga Faahi Gahua e kitiaaga Te Ao Maori ke he tau matematekelea. Manako lahi ke kitia kua fakamooli atu e tau puhala he Fakaholoaga Gahua ka e nākai ko e tohi fakataitai teao.

Fakakite foki he tau tagata kua hogeia e tau pulotu Mauli mo e tau tagata lagomatai ki loto he tau kau gahua lagomatai akomena, ole ke moua loga e tau puhala ke ati hake e tau lotomatala he Mauli kaiko kua fakakite ko e tau fānau kua akomena mai he tau faiaoga kua hokulo e tau maamaaga he Matauranga Mauli kua fiafia lahi ke fakalaulahi e tau lotomatala he tau magaaho ka akomena ai.

Kua fakakite foki e lautolu e tau mena uka kua fā moua he tau fānau teliga tuli mo lautolu kua ako e Vagahau Peritania he tau aoga ke he tau matakavi kua nonofo ai.

Fafatiaga 1: Fakalaulahi e tau puhala ke fuafua aki e tau fānau mo e tau fuata mui ke he tau manako akomena⁷

Ko e tau puhala fuafua lotomatala mo e kumikumi e tau matapatu ne fakatutala fakalaulahi ki ai e tau talahauaga fakakite. Tokologa ne talia ke he tau fakatokaaga ke kumikumi fakalaulahi mo e kitia tau fuafuaaga tuai ko e tauteaga puipui mahuiga lahi. Ka e taha e mena, fai hūhū a lautolu ke he tau lagomatai mahomo atu mo e laulahi he tau fuafua fakamua, mo e fakakite e tau manatu kehekehe ke he tau tau ke tivi ai e tau fānau ke he tau manako akomena fakamahao.

Fafatiaga 2: Fakamalolō e tau vahega lagomatai ma e tau fānau mo e tau fuata mui kua fai manako lagomatai akomena lalafi ki luga

Ko e pulega ke moua taha Takitaki Lagomatai Akomena kua fiafia ki ai e tokologa. Kua kitia ke he tau nūmela ko e matakupu ke ua aki a nai he mahuiga ke he tau manatu fakakite he kumikumiaga, molea e 35% he tau tagata fakakite manatu ne kua fai talahauaga ke he pū gahua foou nai. Manako lahi e tokologa ke kitia kua fakagahua e kotofaga nai he tau aoga, ka e fia manako ke iloa ko e fakapalepale mo e tufatufa fēfē e tau kotofaga foou. Falu talahau ke fakahoko atu e gahua he LSC ke he tau aoga fakamahani.

Ko e puhala holo mitaki mo e fakamahino ko e matakupufafatiaga nūmela taha haia ne fakakite e lautolu kua fai talahauaga ke he kumikumiaga Fakaholo Gahua fakataitai he Potaaga Faahi Gahua. Tokologa i a lautolu ne ole ke kitekite fakamakutu ki a lautolu e tau fānau kua tū lotoga e tau, kua lata he Potaaga Faahi Fakaako ke fakalaulahi e fakavēaga ma e Matagahua Fakakoloa Hololoa ‘Ongoing Resourcing Scheme (ORS)’ po ke taute a taha fakaholoaga foou.

Ko e taha matakupu mahuiga foki ke kumi tuai e tau lagomatai. Mahuiga lahi e kumi tuai ke puipui aki e tau fua nākai mitaki ka moua mai ma lautolu e tau fānau fai manako akomena lalafi ki luga. Ko e talahauaga laulahi, kaeke ke ‘moua tuai, ko e mitaki a ia’ ti tokologa foki e tau tagata ne manatu kua lata he Fakaholoaga Gahua nai ke putoia ai e fakavēaga holo ki mua ma e lagomatai akomena ke he tau tauteaga akomena tuai.

Tau puhala fakamafola, pete nākai ko e taha matapatu lekua ka e kitia ko e taha vala aoga he puhala fakaako holo mitaki mo e fakaputoia ai e tokologa.

Ko lautolu ne talahau, ko e tau manako akomena lalafi ki luga ka uta he tua ki a lautolu ke lauia kua fakamamafa e mahuiga ke he taha puhala fakaako, tau matakavi taute gahua mo e tau lagomatai ma lautolu e tau fānau ke lauia.

⁷ The draft Action Plan had four priorities

Kua fakatutala e tau hikihikiaga ke lata mo e tau fānau lauia mo e akomena tuai. Ko e kitekiteaga ke he tau tupe kū mai he tau akomena tuai mo e tau aoga ikiiki ko e matapatu lekua ma e tau mamatua mo e tau tagata fakaako, tuga kua kitia tuai e tokolalo he tau lagomatai ma e tau fānau kua fai manko akomena lalafi ki luga kua hiki mai he tau aoga tokoluga ke he falu a aoga atu foki, tau fakaako gahua po ke gahua. Loga e tau manatu pulega hagao ke he tau puhala ke maeke he Fakaholoaga Gahua nai ke taute e tau lagomatai hikihiki kua mitaki atu.

Manako lahi e tau tagata ke kitia kua kau fakalataha e tau magafaoa, tau faiaoga, tau tagata lagomatai fakaako, tau matakau gahua fakapulotu mo e falu a faahi gahua kua lata ki lalo hifo he puhala lagomatai akomena. Ko e tau fakatokaaga ke gahua fakalataha e Potaaga Faahi Fakaako mo e Potaaga Faahi Malolō, kua fafia ki ai e tokologa mo e hātaki atu foki a lautolu ke he Potaaga Faahi Gahua ke fakalaulahi e tau puhala kau fakalataha foki mo e falu a faahi gahua (mua atu ke lauia a lautolu he Oranga Tamariki).

Fafatiaga 3: Fakalaulahi e tau puhala fakatautonu he faahi fakaako

Ko e tau fakaakoaga lagomatai mo e tau puhala fakaako fakalaulahi kua mailoga e mahuiga ke maeke ke kautū e tau fakatokatokaaga he Fakaholoaga Gahua nei. Teitei ke lotoga a lautolu ne fakakite manatu kua fai talahauaga ke he tau kau gahua. Kua fakakite e tau manatu tupetupe ke he kū he tau tagata gahua he magaaho nei kua eke ia mo fakatauhele ke he fakakautūaga he Fakaholoaga Gahua fakataitai, – fakamua ke lata ma e Tau Fakaaokaga he tau Faiaoga ‘Teacher Education (ITE)’, pihia foki ma e Ati hakeaga mo e Akomena Fakapulotu ‘Professional Learning and Development (PLD)’ ma e kau gahua fakaako ke he tau manako akomena fakamahao.

Kua manako e tau faiaoga mo e tau mamatua ke iloa fakamahino e falu a talahauaga hagao ke he tau lagomatai akomena fakamahao.

Fafatiaga 4: Fakamooli kua moua e tau lagomatai akomena kua lata ke maeke ke fakalahi e tau lagomatai mo e tau puhala fakagahua

Tau tupetupe ke he tau fatifatiaga tupe kua logona ke he tau manatu fakakite ke he Fakaholoaga Gahua. Uafulu-ma-hiva e pasene ha lautolu ne fakakite manatu hagao ke he tau lekua ne kitia he magaaho nai ke he tau tupe lagomatai akomena, hagao ke he tau magaaho fakatali ke moua lagomatai fakapulotu mo e mouaaga he tau koloa tuga e lagomatai he tau puhala foou. Kua nākai fafia e tokologa he tau matakau pulotu ke he puhala ne fakakaupā e tau tupe foaki ka e nākai muitua mo e fatifati e tau tupe fakamole ke he nūmela puke tagata kua malikit hake he motu katoa.

Fai tagata foki kua fakakite manatu ke he tau puhala ke fakaholo ki mua aki he Potaaga Faahi Fakaako haana a fakaholoaga lagomatai akomena. Kua fakakite foki he tau talahauaga nei e manako ke lagotatai e tau aoga lalahi, tau aoga fakamahino mo e tau fakaholoaga setalate. Falu kua kitia ko e tau aoga fakamahino ma e tau fānau taane po ke fifine hokoia kua nākai muitua ke

he agaaga auloa, ka e falu ne talahau ko e tau fānau kua fai manako lalafi ki luga kua lata ke fai tauteaga ke moua ha lautolu a tau fakaakoaga ke he tau kaina pauaki.

Ka ko e laulahi, hā i ai e manatu malolō ke tuku fakalataha e tau fakaakoaga pauaki mo e laulahi ke moua he tau fānau oti e tau puhala mitaki oti ke moua e kautū.

Tau valavala fakafelauaki

Falu kua talahau ke fakaputoia he Potaaga Faahi Fakaako e kau gahua lagomatai akomena ke he haana a Fakatokatokaaga Kau Gahua Fakaako. Ke maeke he tau gahua akomena fakamahani mo e tau aoga ke fakatautonu e tau manako he tau fānau akomena oti, tokologa ne manatu kua lata ke fakalahi e tau fakaako gahua mo e tau koloa ma e kau gahua lagomatai akomena mo e nākai lata ke fai fakatutalaaga.

Fiafia e tokologa ke he tauteaga foou ko e Fakatokatokaaga ma e Tupuolamoui he Tama ‘Child Wellbeing Strategy’ mo e tokologa ne fakamooli e manako ke fakaholo ki mua e tau lagomatai ke he tau aoga ma e moui malolō he manamanatuaga mo e puipuiaga he tau mahani hemu.

Manako lahi ke kitia e puhala katoatoa ke he tupuolamoui mo e tau lagomatai akomena, ke ligi taute ke he kitiaaga he ‘Te Ao Māori’.

Ko e fakamaopoopoaga katoa to maeke ke moua he tau Fakamaopoopoaga he tau Talahauaga he tau Manatu Tumau ke he tau Fakaakoaga ‘Summary of Analysis of Engagement Feedback’ ki loto he kupega hila: <https://conversation.education.govt.nz/conversations/learning-support-action-plan>